

فيض الشجون



فيض الشجون

شعر شعبي عراقي

إسماعيل القريشي

الطبعة الأولى

2024

اسم الكتاب: فيض الشجون

اسم المؤلف: إسماعيل القرشي

الجنس الأدبي: شعر شعبي عراقي

سنة الطبع: 2024

تصميم الغلاف: إسماعيل القرشي

التنضيد والإخراج الداخلي/ مطبعة الشاعر


رقم الإيداع في دار الكتب والوثائق ببغداد ( 100 ) لسنة 2024

الرقم الدولي ISBN: 978-9922-8735-1-0

لا يجوز نشر أي جزء من هذا الديوان أو تخزين مادته بطريقة الإسترجاع أو نقله على أي نحو أو بأي طريقة كانت سواء الكترونية أو ميكانيكية أو بتصوير أو بتسجيل أو بخلاف ذلك إلا بموافقة كتابية من الشاعر أو الناشر.

جميع اللوحات الداخلية تم شراءها من موقع google

ملاحظة: الآراء الواردة في هذا الكتاب تعبر عن وجهة نظر الشاعر ولا تعبر بالضرورة عن وجهة نظر الناشر




لكافة المطبوعات التجارية والأختام

العراق-البصرة-شارع ١٤ تموز قرب جامع الكواز

هاتف / 07708792464 - 07742135971

البريد الإلكتروني

ismaelquraishi@outlook.sa



فَيْضُ الْجَوَابِ سَعْرٌ سَعِيٌّ إِلَيْنَا جَلِيلٌ الْقُرْآنُ ذِي الْمَاءِ  
لَنَا مَاءٌ ذِي الْمَاءِ ذِي الْمَاءِ ذِي الْمَاءِ ذِي الْمَاءِ ذِي الْمَاءِ ذِي الْمَاءِ

## المقدمة

حين تقرأ القرشي في مجمل قصائده تجد فيه هوس الكتابة والرغبة وهو يرسم وجعه المرسوم عبر مدارات الوهم ومدن القلق في سطوة التاريخ الملوث برائحة الدم والكبرياء. وهذا الشاعر الطيب حين قرأته أزدت إتصاقاً بلغته التي لاتخلو من الحكمة والبراءة رغم المباشرة وأرتدائها ثوب البساطة والكلاسيكية لكنها لا تخلو من الفلسفة والدين والعمق التراجيدي والقداسة والرغبة ، والقرشي يحب السلام ويعلن البراءة من مدن الشيطان ومديات الانكسار المذهبي . وفي عالم الشعر ينقلك القرشي إلى مدن الفضيلة مثل الرحمن والمؤمن ويمتص حالات التمرد ضد الطائفية والغيرة والفراق والوباء ، أما لغته الشفافة في مجمل قصائد الحب والقصائد الذاتية مثل (الفرقة) وعطر الأنفاس وتيجان وفيض الشجون القصيدة المشحونة بالقلق والشجن فهي غنائية جميلة تبث اللوعة في وجدان الشاعر ، أما بقية قصائده التي تجاوزت الخامسة والتسعين لاتخلو من شعور نبيل وقدرة في نقل صور إنسانية مثل الحب والصراحة والوهم . ويصف القرشي في بعض قصائده حالات عديدة مثل الدين والأبوة والقداسة والرغبة ويصف لنا حالات غريبة مثل الفشل والخيبة والكهولة ، أما قصيدة التقاعد فقد وجدت نفسي فيها وكأنها كتبت عني وفي جانب فطري آخر يصف لنا الشجاعة في الوصي والعباس والعراقي وغيرها وحالات الشعور الإنفعالي تراه في قصيدة الإعراف وفيض الشجون ودمع المآقي وونين القلب وحتى أبوذياته لا تخلو من العاطفة والشجن والحنين ، ولديه القدرة في إيصال المعلومة كالنصيحة والنقد والخيبة والظن وهي من حالات الامتعاض الفكري ويكره الشاعر الطائفية والخيانة والتكبر والغرور والعكس صحيح فهو طيب ويحب التسامح

والحب والأمل والوفاق والإلتصاق الفكري بالأرض والوطن وهذا ماتجده في  
مجمل قصائده الوطنية.

تحية حب لهذا الشاعر الكبير في قدراته الفنية والشعرية ونسأل الله له  
التوفيق في كتاباته التي نأمل أن تكون أكثر فأكثر فهو قدرة وشاعرية وكتلة  
من الأحاسيس والعواطف والمشاعر.

سافرت مرة الى بحر الشجون  
وجانت الدنيا نده وصحوه وعذاب  
وخرسة سجادة صلاتي وأفرشت  
حفنة وفة هذا التراب  
وبيه غيرة الهالوطن كبر الصحاري  
وما أحب الما يحبك يعراق  
ويلعن بروحه المصالح والخراب..

تحية حب للقريشي في شجون الفائضة.

## رأي في المترادفات

تجربة جديدة في أدبيات الشعر أراها تفوح كرائحة المسك أو عطرٍ من عطور الأساطير الملونة ، هذا الجمع الغير متجانس لدى الشعراء قاطبة أراه يجتمع بفيض الشجون في مساحة جميلة من الأبيات التي شدتني :

تَرَبَّتْ يَدَايَ إِذَا شَرَعْتُ بِطَيْبَةٍ      زَمَنْ لَطِيبٍ يَجْحَدُ التَّقْدِيرَا  
 أَرْدَ أَكْسَرَ الْمَأْلُوفِ طَيْبٌ فَلَا أَصِيرُ      كُلُّ مَا أَكُولُ تَهُونَ مَا أَلْكُهُ تَغْيِيرُ

قد تكون هذه التجربة الأولى تحسب لهذا الشاعر القرشي حيث جمع النَّدَانِ أو الضَّدَانِ لغوياً في بساط واحد وهذه قدرة تستوجب الوقوف عندها لأنها أحتلت مساحة من العمق في التفكير لتقريب المعنى شأنها شأن تجربة الترجمة

لَا تَجْزَعَنَّ عَلَى مَافَاتٍ مِنْ فَشَلٍ      حِينَ التَّذَكُّرِ لَا لَوْمٌ وَلَا ضَجْرٌ  
 مِنْ تَذَكَّرَ خَطَاً أَوْ فَشَلَ مَرَّةً يَوْمٍ      لَا تَتَكَدَّرُ وَتَتَزَعَّجُ أَوْ تَحْبَطُ

المهم تجربة أتمنى أن تأخذ صداها ومعناها في الحيز الشعري لأنها تستحق  
الاهتمام

واتمنى من الشاعر أن يجمع قدرا اكبر من المترادفات لتطبع في مجموعة  
خاصة وساعد لها دراسة خاصة تليق بها وبقدرة القريشي الشاعر وشكراً  
له لإبداعه واتمنى منه المزيد مع المحبة

خلف المناصير

البصرة/ ٢٠٢٤

## قصيدة الدهر مهداة الى الشاعر الكبير المرحوم عبد الحسين الخدضي

### ( اول قصيدة من كتاباتي الشعرية )

والله دنگه يادهر لعبك ويبي  
صوبت عل راس آلف الحجار  
وكمت افكر بالعقل واشفي الجروح  
ولا يخاف الكسر الحجر الجبير  
واكسبت منهه درس كلش عظيم  
وعنك استغنيت نك ما تفيد  
والشريف ايعيش ما يحني الراس  
امده الحبك من كل الاجناس  
وانه اشوف احبابي اعلى من الجبال  
عبد شمعو و يحرك ابروحه وينير  
انتصر عل ضيم والذل والهوان  
عبد ما دنك ابد للشده يوم  
عبد مادتك ابد للشده يوم  
عبد خيمه وخيمت عل معجبين  
وشنهي من خيمه الوفت هذا الوفاء  
واحنه ندري ابعد ما ميت يشوف

وكلهه دكاتك علي ضيم وقهر  
وانه مثل النخله اهديك تمر  
وكمت اداوي اجرودي بهداي وصبر  
يهون كسر الباقي من كل الحجر  
وصرت احذر احبابي من كل الخطر  
وربعك الحبوك ما الهم اثر  
لو تطك روحك ابد ما ينكسر  
وامده الناس التتبعك يادهر  
وانته اولهم عبد يابو الفخر  
والله حتى الصبر مو مثله صبر  
وماكو واحد سوّه مثله بهلعصر  
هوللشدات عاصرهن عصر  
خافت الشدات يم بابيه تمر  
شنهي من خيمه التضم نص البشر  
وابد ماقصرت لو قطرة مطر  
يشوف كل الناس يسمع كل خبر

عاش ابشعره العذب وبهل زمان  
والله عجبه الميت ايقدم عطاء  
وابد ما ينطي ا لفلح بس الغبار  
جماله همة الصعدوه رغم الاخطار  
والله لو حيدر علي بهذا الزمان  
هذا ابو الحسنين مصدر للجهاد  
وماغرته الدوله ولا كل الأموال  
وينطي كل الناس من مال العطاء  
وما يفضل ولده عن باقي الناس  
وينك يا علي احظر وشوف  
وكنه خلصت يا علي انفك الحصار  
وهاكم الحريه والحب والوفاء  
وشبعونه بالوعود والامنيات  
يا به مو اشكال نصير هيه هاي  
وحتى لو خلص عمرنه انتظار  
او وصلت اليوم القيامة الحسحسات  
وطني هذا مولد لو شحن

وبكتاباتهِ التسر كل البشر  
والعدل فوك النخل يلغف تمر  
وهمة اهل الكاع والمي والثمر  
وخوش جازاهم جزه ما ينذكر  
والله والعباس ما ظلك اثر  
شسوه بالاحزاب وشسوه ابدر  
وجان يستهزئ بالاموال الكثر  
وما يخلي ابحكمه نره من الفقر  
وهمة من بيت النبوه والامر  
شوف احفادك اشكد شافو غدر  
واخلصنه من كل العواقب والحفر  
وكل الي ما موجود بالماضي الغبر  
وكالو انتضرونه خل عدكم صبر  
يابعد روعي نشبعكم صبر  
عودك انكمل صبرنه بالكبر  
والناس تسأل هذا ياخط مستمر  
مادرينه النور من رب البشر

2011\_10\_18

## الوصال

قدراتك الهي ما تحدهه حدود  
تخلق بالبشر وبأحسن التقويم  
سويت الخلائق كله ما تعبوك  
گیعان وسما من اروع التصميم  
والبيناتهن اعجب المخلوقات  
وباعظم بناء واجمل الترميم  
من العدم بس اتكله كن فيكون  
كلشي من الخلائق ما اخص تعميم  
والرحمة عظيمة والرزق والخير  
وزعت الرزق عل خلقك بالتقسيم  
وتسامح وتغفر لو جبال ذنوب  
كل مذنوب یگصدك تمسح التأثيم  
وتفرج هموم العبد بالمجان  
بس كون بمحبتك ينسعد ويهيم  
كل هذا فهمته وانه اترجاك  
زيد وياي اكثر بعد بالتفهم  
لو اكتب الهي بوصفك دواوين  
ما اوصل صفر ياربي بالتقييم  
جربت الدعاء وياك بالالاف  
تنطيني مرادي بالأطف التكریم

چم شغله اریدن اسألك بسكوت  
اولهه نفرآگ الخله كلبى يهيم  
ماتشملهه كن حتى الوصال ايكون  
ماتشملهه كن وتلين الاهلين  
لا لا واثق انه منك ومرتاح  
وادريك عظيم وترحم المسكين  
كل هذا اریده يصير واترجاك  
لو بس يوم واحد بي تقر العين  
احلفك بالفراگ وضيم ذاك اليوم  
من گالت شلعت الكلب والريتين  
احلفك بالكريات الحمر والبيض  
لمن سجلت عليهن الاسمين

وبذاك الكلام الجنه احلى انغام  
من ذيج الاصيله البيهه متوليهين  
وبحسرة الماصارت طبگ الجناف  
وبحسرة الماصارت شبج الايدين  
وادعيلك الهى وببيدك الأحوال  
كلهه بحمتهك ياخالق الكونين

٢٠١٩/٣/١

## الوالد

كل ما اريدن اكتب اصفن واحتار  
يامن نبض گلبي بفضلك ايدگ دوم  
درب الباري طشّيته بورد وبهيل  
صرت انه جسر فوگ العسر والعوز  
ردنه نجمع ونقتصد بالأموال  
ادعيلك بجنة والله گلبي نطاك  
ما ابالغ لان بالباري ضني چبير  
ماضل عمل ما سويته بالقرآن  
حبك للنبي وال النبي الطيبين  
متاكّد و ابصم والله بالعشرين

شكتبك يمن هذا النفس حلمك  
يامن گلبي واسع من اثر علمك  
ماشيناه ورحمة الله تلتزمك  
واحنه مقصرين شما نقدمك  
ما تقبل وعشنه بكذك وهمك  
جنات النعيم انحجرت باسمك  
والقرآن يمشي باكملة بدمك  
كل اعمالك ابايمانك وعزمك  
تكسب والشفاعة بحيلهاه تظمك  
والباري بشفاعتهم تره ايرحمك

٢٠١٩/١/٢٩

## الحياة الزوجية

قدّس زوجتك خليه وسط العين  
لو بس انت رايد منه تحترمك  
بت ناس وشريفة وانت لختاريت  
مو من فطر حايط حتى متهمك  
ذوقك هذا لازم ابد ما ينعب  
دمه مختلط بالعشره وي دمك  
مو من زله وحدة تسرفن الذرعان  
ترضاها اعلى اختك تنضرب يمك  
عافت كل اهلها واصبحت بحماك  
احميه بدل ما ربك ايذمك  
والمشكلة الكبرى شكك كلبه جبير  
ماتشكي لاهله تريد تلتزمك  
تشتم تغلط اوجهك معبس دوم  
لو تهوى المشاكل فرطت باسمك  
مابيه رجوله الشيخه عل نسوان  
مو عل حرمة دومك شايل بخشمك  
تشبع من رغبتك ما حسبت حساب  
وتربي بجهالك وانت ما همك  
بيتك شايلته وماكو كل نقصان  
متألم كلبه وتحلم اتضمك

طبع النملة تحمل حمل بالاضعاف

كل هذا ونظره مطرز برسك  
تعرف طبعك وتحسبلة الف حساب  
من نظرة عيونك هي تفهمك  
نخلة وكل عمره امريحة الفلاح  
على مدت ايديك تستلم سهمك  
وشكبره كلبه ومايشيل اثنين  
بس انت بكلبهه بدمك ولحمك  
ارحم سامح وگلبك سمح خليه  
من فوگ الاله بقدرته يرحمك  
تقدير المره ويه الرجل متساوين  
شوف الله شيكول وزيد بعلمك  
مشكلت التفاهم ماتقدره الناس  
محد يسأل ويستمع للأسباب  
كل مشكله ولازم بيهه فد اشكال  
حلوهه بصراحه بحضرت الاحباب  
لو تقنعني لو اقعك عقل موجود  
لو ما الهه حل خل نسأل الاصحاب  
المرأة رقيقة وحمل عدهه تگیل  
وافهم مشكلتهه بفكر واستيعاب  
خلي الحچي مگابل واحچي طگ بطگ  
ماينفع لون صار الحچي دولاب

دوم العقل خل يتذكر الزينات  
تلغه الضيم لا بد بالمحبة انذاب  
انت مو نبي ولا هيه بت معصوم  
يا محلى التواضع شيمة الاطياب

٢٠١٩/٢/٩

## الفراغ

شرد اكل لروحي من تنشد عليك  
وهيه ملك الموت كل همومها  
والگلب موجرح بي كومة جروح  
ودهري يم شامت رگبتي يسومها  
ضيمي كآه وفرگتك بالخوة توم  
فرحن دنياي چنهن تومها  
شعره چانت بين وصلك والفراغ  
گطعوها وعقلي جن من يومها  
صايم وصومي خراب ويه الهلال  
تبقى روحي اعلى الفراغ بصومها  
عيني سهرانه ولا تهوى النعاس  
بلكي تلگه ويه النجوم علومها  
بچی گلبي دموم من يوم الفراغ  
والنفس صحبه وي كل غيومها  
اکثر الطيبين دنياهم خراب  
يكرم الناس وحصاده بلومها  
وظلبت من ربي گتله انه دخيل  
والدموع تفرزت من نومها  
يبقى يدعي لساني مايبطل دعاء  
بلکت الدنيا تغير هدمها  
يبقى طاريكم نفس عايش عليه  
والنفس صبرت عليه من يومها

يبقى طعم العسل بلساني لذيذ  
من شفائكم عسى الله يدومها  
وكمت اشمكم عطر فوك البعيد  
مثل قصة يوسف ومفهومها  
من جهب يعقوب ريحة من القميص  
فسّر الغاية ودرك معلومها

2019/2/1

## امي

أحتريت اوصفج مايصح تعبیر  
یل گلج سما وملیانة حنیة  
وانه وگلبی والسانی وجميع حشای  
مایوصل مدحنه العشره بالمیه  
ربیتي وسهرتي بلایه راحة بال  
یل حضنج سعادة وماکو منیة  
واتمنی السعادة لحضرتج للدوم  
یا اغلی واحن مخلوقة بالدنیه  
اذا ربنه یمدحج ذکر بالقران  
تحت اقدامج الجنة الخلودیة  
اذاً لازم نبوس اقدامج بكل یوم  
والج دعواتنه ورحمه الهیه

## الرفيل

سبح واندي المشكور بالموجود  
 صلي اعلى النبي وال النبي المحمود  
 واصبر عل مصايب من كلب مشدود  
 امك والابو ولا تغضب المعبود  
 لو تعمل دهر ماتوصل المقصود  
 لا تقنط ابد جود العرش ممدود  
 عبدك وارضى يارب الكرم والجود  
 وعن كمن تضيق الدنيا بيه واتزود  
 من ذنوبه وبابك فلا مسدود  
 ما ننضام يارب واحنه ليك انعود  
 دنيا واخره من عطفك المعهود  
 تقبل كل دخيل ورحمتك لتسود  
 ربي برحمتك واليدعي مامرود  
 وتمهله بامل ما ينحكم بحدود  
 من كل الخلايق دومك المحمود

كوم بنية بيضة أتوجه المولاك  
 واستغفر وكبر واحمد الرحمن  
 حافظ عل صلاة اجعله زاد وماي  
 واحذر كوم ساعد اهلك الربوك  
 تره من دونهم ما تنقبل نجواك  
 وادعي باي وكت وبمختلف الاحوال  
 كله انه رضيت ابقسمتك وياي  
 عني وعن اخوتي وربعي والخلان  
 جينه نريد منك مغفرة ورضوان  
 طبع الشيخ يقبل كل دخيل وضيف  
 اقبلنه ابرحمتك سيدي ومولاي  
 مو طبعك الترفض لا الف حاشاك  
 كل رحمة لرحمتك ذرة ماتنقاس  
 كل مذنب تستره وانت لداويه  
 نحمدك يا الهي ونشكرك للدوم

## اطائفية

نركض على سراب وندرى ما بي زود  
وغرگنه ابحور الطائفية اسنين  
فتنه وشغلت النار بوسط خوآن  
كل مذهب اتمسك باللي أمن بيه  
ما اجبرلي واحد گوه صير وياي  
خل احترم رأيك وانته هم وياي  
ونشيل الحواجز من بنات ابليس  
وسفه الجهل يتغلب عليه وحيف  
بالك يلخطيب التحجي بسم الدين  
واحچيلي على الايمان والاحسان  
فهمني على الباطل شلون انهيه  
والقران دستور وسند واحكام  
واحدنه يفر بأذانه لو سألوه  
خلي الماضي لاهله وركز على اليوم  
بس هذا الحچي مو لازم انه احچيه  
كل مرجع ايصدر فتوة بالموضوع  
بالتقليد كل هذا حقوق انسان  
خنشوف الوطن ينزف عيون وخوف  
شنتاني يجي المحتل يعدل الحال  
صدگوني كفر هذا الوطن بنظام

2019/3/10

## الى من يرمه الامر

افعالك التتطي للقب قدره  
 بس الغالي لا تبخل وتحكركه  
 لو طيب كلامك طابت العشره  
 و دوس الياسمين ايهيج بعطره  
 ما عدنه رحم والعدل نفتقره  
 كل واحد البينه امحير ابامره  
 على بوگ البلاد وحصة الفقره  
 هذا ابن العراق وهذا ابن غبره  
 ياهو النجحك واتكرت لامره  
 حال اهل الكراسي وهاي مو كقره  
 ماعدهم موارد نفظ وتصدره  
 واتعدل وضعهم بدو من صفره  
 كل افرادهم بالقيم معتبره  
 ماعدهم جذب جابوهه بالفطره  
 مايتكبر وبساطه كل عمره  
 ماخربو وطنهم فكره وي فكره  
 قانون وسند ما واحد ايعبره  
 لو واحد اixerبط سيفهه ايبتره  
 صعديو بالتواضع والمجد عبره  
 ما يتكبر العالم وابو الخبره  
 على كل الاحوال ...نحمده ونشكره

٢٠١٨/٤/١٦

مو مقياس المن تنتمي لianas  
 مو كل الثمر ينفع ايفيد الناس  
 اكرم باللي عندك من كلب ولسان  
 داست عل بطن دنيانه مو بنصاف  
 وشخلانه تتريس عليه وحوش  
 ما عدنه تكاتف يرعب الظلام  
 رادونه نتفرق حتى ينجمعون  
 شنو فرق المواطن عن شخص مسؤل  
 نسيت بياكثر انتة گبل لتفوز  
 شنو عيب الشعب لو يملك ميزات  
 هواي من الدول فقره كضوهه اسنين  
 ولاعدهم زراعه وابد ماكو انتاج  
 كل المستحيل ايسهله الاصرار  
 لا غش لا فساد ولا ظلم لاجور  
 والمسؤول عدهم حاله حال الناس  
 اتحدو وعدهم كومه قوميات  
 باصلاح البلد والخير والاعمار  
 مسؤول ومواطن عدهم ايد ابنيدي  
 واسأل على هاي الدول بالتاريخ  
 بس ما نسو رجليهم على الكيعان  
 خلينه احنه متخلفين مختارين

## بر الوالدين

وصى الله بكتابة ومحكم القران  
بر الوالدين بحجة قطعية  
اعظم منزلة وكرمهم الرحمن  
طاعتهم اجت بعد العبوديه  
يعني الطاعه لله ومن بعدهه النوب  
بر الوالدين بكل مثالية  
ياما اتحملوا من احنه جنه زغار  
بالهم والسهر واللوعة ليلية  
واكبرنة بدلال وتربية واخلق  
علمونه اعلى كل اسرار مخفية  
ماكو بلا مقابل كلهه بالمجان  
مافكرنه بالعوز وتواليه  
مصرف ماشي والملبس باحلى ثياب  
خلونه بفرحو وآمال حتمية  
من عمر الطفولة وحتى احنه كبار  
لو نمرض نفسهم بينه مسبية  
مايصقالهم خاطر ولا يهيّدون  
لمن ترجع الصحة اعتيادية  
وشكد نغلط بحقهم فلا يزعلون  
تس كلوبهم رحمه الهية

ربي مقصرين وردنه نوفي الدين  
ارحمهم الهي بجنة علوية  
ومكنه الهي نقدم الاحسان  
والبرا لابونه وامنه يومية

## عاجل

ذهب شائل ظهرها وتاكل العاگول  
مامحصول غيره الي يغذيها  
اربعطعش عام واحنه مختارين  
كل اصواته من الكلب ننطيهه  
ماشفنه فرق لا عدائتو الحال  
يادوره التجي خاب الامل بيهه  
من ذاك الوكت ليهسه محرومين  
كل الناس منكم عظت ايديهه  
مايخلي الوطن معروف بالخبرات  
واسباب التطور كلهه حاويهه  
هل مره اذا ننتخب عدنه شروط  
لازم كل مرشح يلتزم بيهه  
يتعهد امام الشعب بالتنفيذ  
بعد الفوز باكملهمه يلبيهه  
اولهه الصناعه ويرجع الإنتاج  
مختص بالبلد من خير اهاليهه  
تشغيل المصانع بالعراقيين  
والبطاله كلهه الدولة تنهيهه

مصانعه ومعاملته ترد اردود  
كل المنشآت ادمعه واحيهه  
توزيع الاراضي للشعب مجان  
وياها قروض وحتى بينيهه  
تتحسن احوال الكهربا والماي  
وترجع الحصه بشكل ماضيهه  
كل مستشفى رسمي ينشمل باعمار  
احسن بالتطور مره سويهه  
كل الاجهزه الطبيه عل اطلاق  
تتوفر وبالمجان خليهه  
بيعه الادويه من احسن الإنتاج  
كل محتاج من المرضى تنطيهه  
خذي ابالك المسؤول خادم دوم  
لافراد الشعب حاجاته يقضيهه  
على كل حال يرجع ذاك وكنت الخير  
شوفو شلون چان الدولة ماضيهه  
كبل الطاغية دولة ترف واحوال  
ام الخيرمو چانت نسيميهه  
ليش الماضي احسن ياهو يعقل هاي  
فكرو بهالبلد خل نتعب اعليهه

دعوى من الضمير ومن كلب ولسان  
ربي اللعنة على ظلام وديهه  
ربي هواي حلمك طال على ظلام  
عدنه ذنوب بس الرحمة تمحيهه

2017/4/ 23

## قصيدة حب الحسين

علمنه الحسين الامر بالمعروف  
وعلمنه بعد ننهى عن المنكر  
واخنه مطبقين الحمد للرحمن  
وين الماله قيمه عليه يتبختر  
او وين الفاسدين النهبو الاموال  
او وين المجرمين الكل عملهم شر  
وانشوف الجريمة ونغمض الهه العين  
ونشوف الفساد بكل وكت يكبر  
والفقره شكثر والناس معدومين  
والخيرات يمنه ويسره تتبعثر  
والباگو بلدنه بمستحه ايصلون  
وينادون بسمك ياشبل حيدر  
واحدهم خبير بشفظ مال الناس  
ياخذ حصته وبالتالي هم يظفر  
چا وينه اليحك يا ابو السجاد  
او وينه اليگدر من الظلم يتحرر  
ضحيت بحياتك من اجل هل دين  
واهلك والاصحاب الاتقياء الغر

وبكل الشجاعة اوگفت للعدوان  
من اجل الاسلام وكلمته التكبر  
وصلت رساله بكل فخر مولاي  
نشهدك ونؤمن بالشهادة نقر  
بس بينه ضعف بالعمل والتطبيق  
ما نگر انغير بينه نتنظر

2017\_9\_23

## قصيدة دروس

مو كل من درس يَـدُر اي فهم الناس  
بعض الناس تدرس مو شرط واعين  
اكو بيهم اليقرا ويجهل المضمون  
وبيهم ناس قمة وحيل متفقهين  
اكو بيهم عقل بس بيد هذا وذاك  
ماترهم سفينه وبيهه ربانين  
بيهم يزعل ويسمع كلام الناس  
مايفهمه منك صدك الواشين  
وتكلمه غلط لاتاخذ بهل راي  
مايقبل لون تحلفه مية دين  
تسكت تبثلي يالف عليك ضنون  
من كلبه وخذاهن مستند بعدين  
احمق مايهمه العدل والانصاف  
تمسك برايه وتيه الصوبين  
اكو بيهم يحذرك من شخص معروف  
تالي يرافگه وينطيله ماي العين  
من هاي النماذج تركه وتلاشاه  
والعاقل الفاهم حطه وسط العين

واليحجي وراك اتجاهله وانساه  
لن كبال وجهك ساكت ومسكين  
اطباع البشر ما تتعرف بالگول  
بالأفعال ابشرك كله متقيمين  
ماتگدر اتصدگ كل كلام الغير  
اذا چانو احبابك يوم غطانين  
بعض الأصدقاء افكاره بيهن سوء  
ويريدك برايه اتطبق بكل حين  
اكثره المشاكل من تجي واحقاد  
لن كلمن برايه تشوفهم باقين  
لتزغر بشر واحترم كل الناس  
ربك كامل او كل احنه محتاجين  
لا تفضح بشر لو شفت عنده عيوب  
غض النظر واستر هيحي متوصين  
اصلك من ضعف بالقوة مالك صيت  
لا تنسى البشر كل احنه من الطين  
السكته عبادة اتجنب اليحچون  
لا مو بالغلط والغيره معروفين  
لا تغلط وتحمل ذلة الاعذار  
هيه الناس گوه تشوفهم راضين  
راحت بالك اشريهه بأعز السوم  
تشعر بالسعادة وتستقربعدين

2017 / 11 / 22

## قصيدة رد المحررين

كالو ماكو رب والكون صدفة وصار  
 وكل مخلوق صاير نشأة ذاتية  
 شنو هذا العقل رغم العلوم البيه  
 مافكر عدل وتحقق شوية  
 شوف الاوكسجين معيش الاحياء  
 شنو خله النسب بالجو كما هيه(1)  
 كل لحياء تتنفس عليه وتعيش  
 وتطرح غاز قاتل سم تواليه  
 شو ما يخلص ويا هو اليرده ردود  
 ويرجع نسبته من الكماليه  
 ربك بالنبات امخلي مصنع دوم  
 يرجع انه صافي ومية بالمية  
 كلي بروح جدك هذا صدفة وصار  
 شغل هل عقل وتفكر شويه  
 شوف الزرع تزرع مختلف بانواع  
 وبقطعة ارض وسكيهه بميه  
 ما يختلط يطلع مختلف كل نوع  
 من صنف البذور الميتة موحيه  
 حامض مالح او حلو وي حار  
 احمر واخضر ابألوان مزهية

وانواع الفواكه واطيب الأعشاب  
كله أزواج والتلقيح ذاتية  
كلي بروح جدك ياعقل سواه  
شغل فكر عقلك واصفن شويه  
والماي انخلق من عنده كل مخلوق(2)  
وهوه اصل الحيا يحترك تاليه  
ايجيبه انه الثلج والمطر من لجمال  
من بعد التبخر دورة علمية  
شنو هاي الرياح اتشيل كل هل غيم  
واطنان المياه امحمله يوميه  
وينزل غيث رحمة لكل عباد الله  
والكيعان كلهه ابمطر مسكيه  
كلي بروح ابوك بصدفه هذا يصير  
شغل هل عقل وتفكر شوية  
قانون الجذب بالارض منو خلاه  
ايقابل قوة الطرد العموديه (3)  
سرعتها عجيبة الارض من اتدور  
ولا واحد يحس بسرعة فعلية  
سرعتها الف بالساعة من الميل  
هاي الاولى والعجبة بالشمسية  
بالستين الف بالساعة من لميال  
تفتقر عل شمس دورة نظامية  
ميلان(4) الارض عل محور الشمسي  
من عنده فصول السنه الوقتية

كلي بروح جدك هذا صدفه وصار  
 شغل هل عقل واتفكر شويه  
 شنو خله الشمس مشتعله ليل انهار  
 مايخلص حطبهه او وين تاليه  
 مثل كل النجوم التشتعل بالنار  
 شعلة غاز وبمنظومة دوريه  
 ملايين الاطنان اوزانهه وتزيد  
 باعنان السما وباحمال مخفيه  
 كتتهه بمواقع باعظم الاوصاف  
 تجري بالفضا وابأفلاك محميه  
 عجيبة شلون ما تتصادم بهل كون  
 تجري بكل نظام ودقة سحرية  
 كلي بروح جدك هذا صدفه وصار  
 شغل عقلك بهاي الثبوتية  
 الكمرصاير منازل من بدر لهلال  
 اعلمنه لحساب السنه الهجريه  
 من عنده يجي المد والجزر والزود  
 اروع فائدة للكرة الأرضية  
 وينور الليالي بمنظره الجذاب  
 ولا يحله المسامر الاكمريه

كلي بروح جدك هذا صدفه يصير  
حرر هل عقل من الضبابية  
ماي النهر ما يختلط وي لبحور  
يفصلهم البرزخ قسمة مائية  
اسماك البحر ماتحيه بالانهار  
واسماك النهر بالبحر ماتحيه  
ومنهن تغذية بأحلا والذ لاصناف  
وعجبه شلون تتنفس بالمّيه  
كلي بروح جدك هذا صدفه يصير  
شغل هل عقل واتفكر شوية  
باوع للجسم واجهزته والأطراف  
محبوكة بنظام ونظرة عقلية  
سمع وابصار ولسان وشفافيف زوج  
واسنان وشعر واطراف حسية  
واعظام ولحم والدم عجيبه يدور  
من ضخ الكلب دوره شمولية  
شنو هذا الكلب يشتغل ليل نهار  
مايوكف ابد للموت تالية  
خلي نكول صدفه هل كلب مصنوع  
قوة هل مضخة بيا فعل هية

كلي بروح جدك هذا صدفة وصار  
شغل هل عقل وتفكر شوية  
كل هذا التنوع حير الالباب  
وعجزو كالألوان القدرة سماوية  
واسأل عن علوم الدنيا كله وشوف  
الاف الكتب بأسرار كونية  
ربي بحق نبيك احمد المختار  
واهل البيت والرحمة الإلهية  
ثبت كلوبنه بالطاعة والايمن  
وانعم بالهداية علينه يوميه

2016\_1\_14

#### الهوامش

- 1- نسبة الاوكسجين بالجو 12% وبرغم تنفس الكائنات الحية ولفظ غاز ثاني أوكسيد الكربون وحصول الحرائق وما ينتج عن المصانع وغيرها من غازات سامة بالجو تبقى نسبته ثابتة ولا تتغير وذلك لوجود النبات الذي يأخذ الكربون من ثاني أوكسيد الكربون وي طرح الاوكسجين بالجو
- 2- يتكون الماء الذي هو اصل الحياة لجميع الكائنات من غاز الاوكسجين وغاز الهيدروجين فالأوكسجين هو غاز مساعد على الاشتعال والهيدروجين غاز شديد الاشتعال . شانت القدرة الإلهية بان ينجما معا لتكوين الماء ولكن في يوم القيامة يفصل الله بينها لتشتعل جميع البحار (وإذا البحار سجرت)
- 3- كل جسم يدور حول نفسه تتولد حوله قوة طرد مركزي تطرد جميع الأشياء العالقة به تتناسب طرديا مع سرعة الدوران ، والأرض تدور حول نفسها بسرعة 1000 ميل بالساعة وبذلك تتكون حولها قوة طرد مركزي تقذف جميع من عليها بصورة عمودية ، ولكن الله سبحانه وتعالى جعل بها قوة مغناطيسية تعادل قوة الطرد المركزي لذلك ثبتت المخلوقات على سطح الأرض.
- 4- الأرض مائلة على محور دورانها حول الشمس بزاوية 23 درجة فهذا الميل وشكل محور الدوران الاهليجي ساعد في تعدد فصول السنة واختلاف المناخ

## وَصِيَّةُ صِرَاحَةٍ

من شفتها الدنيا طلعت من سبات  
والعقل تاه بصحاري جفونهاه  
والكلب مردنه نظرات العيون  
والحسن كله بسواد عيونهاه  
والشفاف حمر ما متبرجات  
عل طبيعه الوادم ايوصفونهاه  
والخدود متفحات موريات  
حلوة تكتل والله وشمزونهاه  
من ثكلهاه ويبي اتردد واخاف  
بس ثكلهاه ايعاكس المضمونهاه  
ساعة تضحك تبتسم واقره العيون  
كلهاه حب او ما اعيش بدونهاه  
وساعة اشوفن منه كتمان وغموض  
والخجل والمستحه يغطونهاه  
كلت اصارحها ويصير شمايصير  
انه من هذا الوكت مجنونها  
كلت يبنيه ارد اسولف بس أخاف  
عل صداقة وانه اريد انصونهاه  
وانتي كيفج فكري وراعي الظروف  
والصراحه اتريح اليردونهاه

كألت احچي شماچي منك زلال  
وارد اضوك اسوالفك وشلوننه  
كألت احبچ وانه مفتون بهواچ  
والمحبة اتعجب اليردوننه  
ضحكت وحسرتها وصلت للسماء  
والخجل والفرحه غيرن لونه  
كألت انه بحلم لو هذا خيال  
خلي نحفظ هل محبة نصوننه  
انه احبك يا حبيبي من زمان  
والمحبة بالكاتب مكنوننه  
من كآلتلي احاه طيبت الجروح  
والعلاقة وياك يتمنوننه  
الف خيعوني بمحبتك يل حبيب  
والتحبك يا الف خيعوننه

12/12/2017



وحجيك المزيون لا تندم عليه  
من يغرد طير ما ياخذ اجر  
لا تجمل وجهك او تتعب عليه  
جمل اخلاقك اتصير احلى البشر  
لا يغرك زين بأول مجبلات  
الزين كون ايصاحبك طول العمر  
السكته بين الناس مايبهه ندم  
بس كلامك احذر ايشبعك قهر  
من تجادل شخص تعرف محتواه  
تشوف منه الزين لو باطن غير  
ما ترضي كل الناس لو مهما اعتيت  
تفشل ابدنيك ويصيبك ضرر  
التكبر شيمة الشخص الزغير  
والتواضع ينوصف بيه من كبر  
لا تخلي الغضب ايصيطر عليك  
هية لحضة غضب بس تندم عمر  
الفشل مو عيب واعتبرة دروس  
حتى لا ترجع عليه كل الدهر  
لا تعيب الناس وانته البيك عيب  
عدل اعيوبك كبل لا تنخسر

احذر تكسر كلب كلمن هواك  
الكَزَّازِ الْيَنْكَسِرُ مَا يَنْجَبِرُ  
جرحك المكتوم ما يصعب دواه  
والحجي الجرح ابد ما يندثر  
لا تصفك تمدح اكبالك غريب  
من كبل لتجربه وتشوف الدرر

20\_4\_2016

## وصية الفرقة

طالت غيبتك يسمر بعد شيفيد  
فرقة ونوح وعيوني نزييف ودم  
انزرعن سنيني بصبحة الهجران  
وبعشبة وصالك كمت اتلم  
اتمنى المنيه ولا اشوف وداع  
اذكر وجنتك واتحسر واندم  
مو عيشة صفت بين الحياه والموت  
لا تطلع الروح ولا جفاني الهم  
لا جيتك تصح والعله بيهه اتطيب  
ولا كلبى على النسيان متعلم  
من كد ما مرد كلبى الونين عليك  
فاكد رايبى صاير كلشي ما افهم  
ما وكفت سهر عيني اعلى طول الليل  
من كثر البواحي اعليك ما اسلم  
انه الي چنت بعيونك اقره الناس  
وبحبك چنت كل وكتي اتنعم

شَنَسَهُ مِنَ النِّعِيمِ الشَّفِثَةَ أَنَّهُ وَيَاكَ  
رَقَّةً وَجَنَّتْكَ وَشَفَافَكَ الْبَلْسَمِ  
وَخُدُودَكَ وَرَدَّ مَانَابِتَ بَهْلٍ كَاعِ  
مَنْ وَرَدَ الْجِنَانِ الْعِلَّ خَلْكَ يَنْظُمُ  
حَتَّى الْوَاكِّفَاتِ الْغَفْنَ تَحْتَ الثُّوبِ  
صَارِلِهِنَّ قَمِيصَكَ حَيْلِ مَتَبَسِمِ  
وَلِسَانِهِ يَصِيحُ بِكُلِّ عِلَاةِ الصَّوْتِ  
لِحَاكُوا أَعْلَى لَزْرَارِ شَلُونِ رَبِّي أَرْحَمِ  
جَانَتْ بِبَيْتِكَ عَافِيَتِي تَهْدِ جِبَالَ  
وَالْمَائِسُوهُ هَسَهُ بِحَرْغِهِ يَتَشِيمِ  
شَنَسَهُ وَأَنَّهُ عَائِشَ بِسِ عَلَى التَّذْكَارِ  
وَأَتَأْمَلُ حَضُورَكَ وَالْجَرْحَ يَلْتَمِ

9 - 9 - 2017

## الدين

ورطة الدين بيدي انطيت وانذيت  
اتوسل واحجب كمت بالجفين  
راح الموعد تعده وجزه وهيهات  
مو شهرين صارن علي كوم سنين  
تسكت غلسو تحجي صرت مذموم  
غلس عمي غلس بس سلامك وين  
ما اداعيك بس اسال علي يا حال  
طيب خاطري بجلمه ينور العين  
وسفه اعلى اليواعد وعد ما يوفيه  
مايتقدر وما يسوه لو فلسين

2018

## قصيدة النصر

والله كدهه وزود يرجال العراق  
منكم الامجاد والنصر الأكيد  
انتصرتو اعلى الدواعش والإرهاب  
موجديدة النصر يمشي وي الوريد  
كل ملاحمكم غضب عل معتدين  
بالذراع الحديد لاويتو الحديد  
يشهد التاريخ الكم يا اسود  
من فرحته اليوم بالنصر الجديد  
والوطن يفتخر بيكم يرجال  
ياحماة الكاع والشعب المجيد  
فرحة الشهداء ما الهه مثيل  
وهمه بالجنه وسعادتهم تزيد  
خابت ضنون الدواعش والفساد  
والي باعو كاعهم اصلا عبيد  
يجي يوم وتنفضح كل الاسرار  
والشعبه انشالله العمر المديد

2017 / 12 / 10 عام

## ما طمخ راس

حيل وياي شدي وابد لتقصرين  
كل ضيمج يا دنيا وما اطلج راس  
كضيت العمر كله ابني وتفلشين  
عبالج املن لا وحگ عباس  
شنو يعني الشباب ادمر من الجيش  
من بعده الحصار البعنه بيه لمداس  
شنو يعني المرض امراض واصيرن زين  
الله الخالق وهوه اليشافي الناس  
شنو يعني الرفاگه الخيبو الامال  
وخليت البطن لجدامهم تنداس  
اصحى وهاي عبره وخذت منه دروس  
يتفرزن الزين وصاحب النوماس  
حصنت الكلب بالعلم والقرآن  
حكمت العقل من بعد ضرب الفاس  
واختاريت كلمن ظهري بيه مسنود  
بالشدة وفو هيچ البشر تنقاس

٢٠١٧/١٠/٣١

## وَصِيَّةٌ دَلَائِلُ عَقْلِيَّةٌ

ارد احجبي اذا تسمع وانه الممنون

وارد اذكر دلائل كلها عقلية

اثبت بيها عقليا وجود الله

بيها شكك دلائل كلها قطعية

اضربك مثل تسهيله للموضوع

واريد تركز بچلماته اشويه

يعني لو كلتك الك يمي فلوس

بس لازم يوافق واحد اعليه

لو وافق اسلمك ماكو كل اشكال

ما بيها صعوبة وشغلة منهيه

الوافق مؤثر لازم انسميه  
والتسليم اثر يتسمة عادية

ذني اثنيهن مصطلح ثابت دوم  
عند الفلسفة بصورة اعتمادية

بس لو اكو ثلاثة لازم ايقبلون  
واحد يقبل اعلى الثاني وديه

فالثالث مؤثر اول ايحسبوه  
ما يحتاج غيره بالصلاحية

لو جان المؤثر هم وراه اشخاص  
باستمرار وبحالات ابدية

مابيهه مؤثر اول بهل الحال  
معناها الاثر ماله وجوديه

واضربك مثل ثاني على الموضوع

للتوضيح اكثر بيه شفافية

لو كنهه الف مصنوعه من الباء

والباء انصنع من جيم تالية

والصانع وراه صانع اباستمرار

معناها الالف بالفعل مفنية

لو شفنه الالف موجوده ماكو اشكال

ما مصنوع صانعها بديهية

من هذا تجينه قاعدة وقانون

قرهه العلماء وباتفاقية

تكرار المؤثر عل اثر تحديد

ما ينعقل لو يستمر دورية

لن ما بيهه اول تمشي باستمرار  
من واحد لواحد ماهي مگضية

عقلا مستحيلة وماتجي عل البال  
لازم اكو اول ماله عليية

لو شفته الاثر موجود يعني نگوول  
ما متكرر الفاعل وحتمية

والفاعل يصير اول وما يحتاج  
واحد كبله وبصورة ضرورية

لو نفرض نگوول الصدفة تلعب دور  
مو فاعل نتيجة للفعل هية

لو شباچك امكسر الجام البيه  
فالفاعل كسر صدفة او قصدية

لو شباكك اتصلح الجام البيه  
تسأل على الفاعل بالخصوصية

ما ممكن الصدفة تصلح المكسور  
والتصليح لازم بيه نظامية

تنظيف المكسّر من على الشباچ  
واحضار الجديد بكل قياسية

يتثبت على الشباك بالمعجون  
كل هذا الحصل اعمال فكرية

يعني الصدفة تتبع فاعل وموجود  
ما عدهه ابد افعال فنية

فكر ابحت بكل الخلايق زين  
تلغة العجب بيهه الحير الدنيه

من ابسط بشر للعالم المشهور  
والابحاث ارضية وسماوية

عرفو هل نظام اليمشي بيه الكون  
ما بيه ذرة من اخطاء ذاتية

لو نفرض يجي كل عالم بهل كون  
وبأحدث طرق كلها صناعية

لو حبة قمح ما ممكن يصنعون  
تنبت تحيا بالارض الزراعية

خل نسال منو الخالق المخلوقات  
علما هيه موجودات مرئية

لازم الهه خالق ابد ما مخلوق  
لو ما الهه خالق فهيه منفية

مادام الخلاق كله موجودات  
موجود الخلقه بصورة شخصية

يتحتم وجوده بغير كل اشكال  
ماله كل بداية ولا نهائية

هوه الاول واخر بكل لحوال  
متفرد لوحده بالالوهية

والخالق صفاته تبين بكل حال  
من كل الخلاق بالكمالية

ما معقوله واحد يفتقر للمال  
ينطي للمقابل منحه مالية

مامعقولة واحد بالجهل موصوف  
ينطي للمقابل شغلة ذهنية

ما معقول واحد جايح وهلکان

ينطيلة ولو وجبة غذائية

بالقوة انوصف والرفعه هذا الكون

فالخالق اذن قوته فعلية

والانسان بيه رحمة وعدل وانصاف

بيه قدرة وحكم واوصاف خلقية

يتميز بعقلة وعلمه والزينات

من تقويم واعجازات انسية

مو بس البشر باوع المخلوقات

دقق بيهه تلگه اعداد نوعية

كل نوع بنظام تميز وابداع

وبقانون ثابت دقة سحرية

كله بالاصل من خالق الاكوان

يوصف بالتكامل مية بالمية

إذن هالكون ثابت قدرة عالتكوين

مايحتاج ابرهن علة قطعية

2018/1/13

## العراقي

عراقي والصبر بجّيته من اصباي  
من تعكس الدنيا بجمي اصفيا

شركت ولا غربت ما لوتلي ذراع  
ما كدرت ابد للهامة تشيها

رادت مني دم كتلهه جدي حسين  
من تنزل الكطرة انهار احبيها

علمنه المسابك عل شهادة حسين  
مانقبل الذلة بكل معانيها

ما مات الحسين وكننه صرنه حسين  
نرفض كل ظلم وبزود نحجيا

هيه الموته وحدة وما تصير اثنين

نركض عل منايا اعراض نحميها

عل عدوان صرنه مضرب الامثال

وهدمنه لعروش وكل مبانيها

واولهم عرش امريكا واسرائيل

وجحور الدواعش والختل بيها

كلي شورطك يل داعشي بهل حال

عمي انفذ ابجلدك لا تسويها

كبك سوّه واحد خلّه بالتاريخ

سودة بسمعته وماقدر يحياها

وكلي شورطك يل تافه اويه رجال

حطتلك زلم بالنار تشويها

وانت مجرب ويوميه هل افعال

هاي اولهه ونسحكك بتاليها

15/2/2017

## لا تهدم

لاتهديم قصرك المبني بهوى  
وابدا ابوضع الاساس وكمّله

وهمك العلبال لا يطغي عليك  
اكو رب عالي يحل كل مشكله

صدك البارى لَوْن ترفع ايديك  
ايباهي بيك الكون كلّه بأكمّله

او من تكّله ابجاه سيدنه الحبيب  
وجاه اهل البيت اهل البسمله

والله يهتز العرش من هل دعاء  
ايكلّه اسكن يا عرش انه اله

شَلُونِ اسْكُنْ رَبِّي وَيْ هَذَا الدَّعَاءُ

وَإِنَّتَهُ يَا اللَّهُ مَا غَافِرُ إِلَهُ

مَنْ أَثَرَهُ رَبِّكَ إِيشْهَدُ الْعِبَادُ

أَبِكَلِمَةِ الْغَفْرَانِ وَكُلُّهُ إِتَسَجَلُهُ

وَلَا تَعْبَسْ وَجْهَكَ إِنَّتَهُ مِنْ الْهَمُومِ

وَإِضْحَكَ الدُّنْيَاكَ وَإِضْحَكَ لِلْمَلَا

وَإِلْيَشُوفِ إِهْمُومِ غَيْرِهِ بِهَالْحَيَاةِ

يَنْتَجِي وَيِرْتَاكِ مَحْدِ عَادِلِهِ

تَدْرِي بِأَلْعَائِشِ بِدُنْيَاتِهِ سَعِيدِ

قَانَعِ أَكْبَلِ اللَّيِّ اللَّهُ أَمْنَزَلَّهُ

يِرْتَجِي الْخَيْرَاتِ لَخَوَانِهِ الْعِبَادِ

مَا يَرِيدُ السَّعْدِ بِسِ ثَابِتِ إِلَهُ

تدري بالمؤمن صدك يمته يصير

يبتلي بشدات صعبة اعلى الملا

لو يشوفه يحمده الباري الجليل

لو يكول اسوه بيه بهل بله

ومن تريد الله يحبك يبتليك

وصدك لو كالمؤمن مبتلى

## الطيب

ياطيب صواب دلالي كلف

والعمر شيب وركض باطباعه

خلص دمع العين وانزف بالسواد

عل هجر من ذاك يوم وداعه

كلمي يادكتور تعبان وضير

بالحلم رايد يشوف الباعه

ماشفت مثله حسن وصفة طيب

وهيه تشلعي المرض من گاعه

هيه وصفه ودوه من عدهه شفاء

والله يعجز طبكم باوضاعه

شرد او صف حتى تقنع بالكلام

شائل اصناف الحسن وانواعه

ابيض ويمه الثلج ما بي بياض

وبحمار الغمر من مطالعه

اكو بعيونه سحر كلش عجيب

للهوم البلگلب مناعه

وجهه والمگفی سوى بنفس الجمال

منين ما يفتر شمس لماعه

ترف مثل الماي شفاف ورقيق

يامر وانه عليه الطاعه

گلبی سکران بمحبته بلا شراب

من هذاك اليوم طاح شرابه

شنسه يادكتور وتگلي خلاص

دونه ساعات العمر لواءه

خلي لومك تره ميفيد الملام

روحي كلش عل عشگ طماعه

الجمعه ١٦/٨/٢٠١٩

## الْحَائِنُ

عَلَّمَتْكَ تَصِدُّ بَعْيُونَكَ الْكَلَفَاتِ

آلَافِ الْمَرَاكِجِ مِنْ جَزِينَةِ الْحَدِّ

نَارٍ مِنَ الْوَفَى بِكُلِّبِي الدَّرُوسِ وَيَاكَ

لَوْ غَيْرَكَ نَبِيَّ بِكُلِّ جَلْمَةٍ يَتَمَجَّدُ

مَا أُدْرِي بِجِبَالِ الْحِقْدِ بِيكَ اتَّطَوَّفُ

وَأَنَّهُ اصْعَدَ وَانْكَصَرَ جِدَامِي لَوْ تَرْتَدُّ

وَفَرِحَانَ بِسَعَادَةِ طَاعِمِ الْمِسْكِينِ

وَكَاثِلَنِي الْفُشْلَ لَنْ حَشَمْتَنِي بِجَدِّ

وَأَنْتَ الذَّلِيلُ اشْرَفَ مِنْكَ بِهَالِحَالِ

طَاخِظْكَ وَلَكَ بَاقِي الْحَجِي مَقِيدِ

2023/6/25

## العباس

ببحور الشعر مانوصل المعناك

لو بيهن بحر خوّه صدگ ينفع

عنده الغيرة صورة وقافية الوجدان

والعباس ثورة بكل شعر مطلع

يتوضّه القلم يستغفر الرحمن

لو طب حضرتك يسجدلك ويركع

ركعتك أمية بگلب ينزف خوف

رجفت السيوف بهمة الانزع

ورگاب الكفر ما أمّنت بدروع

وگلوب الزلم من الرگاب اطوع

راكب عالمطهم رجليك اعلى الكعاع

والنور بجبينك عالخلگ شعشع

سيفك بيدك ويستلهم الايحاء

اوحاله الخبير يفصل ويگطع

وانت الضاحك المتبسم الولهان

تسحگ عالمنايا وخصمك امبضع

ولهان اعلى موتك تحيي بي تاريخ

تاريخك محافل .. سمعتك اروع

هامات العدالة ارتفعت بجفين

وبعدك بالوفه لهذا الزمن ترفع

بس وينه اليفهمك يفتهم معنك

دستور الاخوه بايدك توقع

صولات الحرب گالوها گبلي هواي

وبسرعة الهارب تهجم وأسرع

چنك بالتقدم تسلم امن اعداك

هيهات بزمانك هالوصف يطلع

گال محمد الحرزي بوصف شفاف

چف الجان ايقلها على توقع

لو رادت المشرق من غرب دنياك

تشرگها شرگ خل يفتع اليعمع

شكتبك بوصفك عكس كل الناس

شما يمدحك شاعر عمره مايشبع

السبت 6/8/2022

السابع من محرم 1444

## اول حلم

يا أول حلم رجّلي عمر صباي

ويا أول فرح بي هلهنت دنياي

استورح محبتك نسمة بيها الروح

تتعطر مسج وتناغي كل حشاي

ياواحة خضار عيونك وسلواي

يانعمة مواويل الفرح وغناي

ان چان انت تنذر عمرک من الشوگ

ماتحلالي دنيا واعمي هاي وهاي

2023/4/23

## هواطر

اسمك موشرط يدخل كلوب الناس

بيهم كلبه مايوسع يحط اكثر

بس بنفسه خليه يحترم طرواك

باعمالك وزودك وانتة المقدر

السكته ذهب من تحكم السكطات

بالك وي رخيص الحچي تتبعثر

اوصاف الحچي مثل الدوه يگولون

بالقله نفع بالكثره يحمل ضر

اخلاقك جميل اتصنعه بالمعروف

ماينفع اذا بالنسب تتكبر

كل عمره الورد نايم بحضن الشوك  
وحب لشعير منه الخمره تتحضر

أكو بعض المواقف تكسر المألوف  
من لحظه تستخدم وضعك الاجدر

تبنيك علاقة ومنها ترجى الخير  
بس اتعلمك بكل همّه تتحذر

وكت الصدگ لبگلبك حفظته يغيب  
واوكات البعيد بخيره تتبشر

اليجبرلي خاطر واحد بدنياي  
أخليه من شرور الدنيا يتكتر

## النقد

أوكات الخطأ مو عمد مامقصود

والينتقد بالود منه نتشكر

سبحان الإله الماخطأ هيهات

علم البشر وي علم الله لا يُذكر

أثبتها العلم ممكن عقل الانسان

يستوعب كبر حجم الارض يگدر

لو نضرب مثل كبر الشمس مقياس

مليون وثلاث ضعف الأرض واكبر

از غر نجمه شمسك وسط مليارات

هاي اول مجرة وشوف وتبصر

من بعد المجرة تلاكي مليارات

أكبر من مجرتنا وقسم ازغر

كل هذا العدد والحجم مامحسوب

حاضنته السماء الأولى خل نشكر

واحسب ستة من بعد السما مسطرات

وحده ابطن وحده تيقن وأذكر

فوكاها عرش ربك ولا تحترار

وافهم من يگول الله علمكم ذر

نرجع للنقد بيهم طبع صياد

زيناتك عليهن بالمدح ينكر

بس الزله يکنصها کنص ملهوف

يسلك يطبخ ويشويها متبطر

كله ابشر وعونك أنه أشوي وياك

لو هيه خطأ ختولي واستبشر

لوتطلع صحيح النقد بي احقاد

منشار بهوى والعبره بالمعبر

كل مايجي طلاقات وصفن بالريش

شيقدم كلامه وكلي شي آخر

الاثنين ٢٣/٧/١٧

## نصيحه لولدي و للجميع

الينصح مقدر حتى لو مجنون

لا تنتظر تعثر تقنع بعدين

ابلام النصيحة وحيرتك انهار

اعبر والتمن رخصله ماي العين

لو زاد الرزق لا تفخر اباموال

واغسلهن ظهر يم جايع ومسكين

واتوقع فقر واصبر بوكت الضيج

من الله اليسر بعد العسر مرتين

احمر خلي خطك لليحب هاللون

وتلغه الخط الاخضر لمعه بالطيبين

رياضة جسمك تباعدك الامراض  
وعقلك بالرياضة انطيه بلا تعيين

العاقل يحل المشكله بكل زود  
وما توصل حكيم المشكله افهم زين

نائل بالفخر منزلته فوگ الراس  
عاجبني بشرط سامعله من اسنين

لأن روس البشر عكس الفراغات  
كل ماتنترس تستوعب ازيد

على وزنك اريد اكلبها الابيات  
وحتى القافيه بقافيتك امتد

يوليدي الفكر سويله اخراج  
مثل اكتاب متنسق منضد

واشطب عالمطخ بالزحافات

والاجمل.. مطالع خلها تنعد(1)

كونك وانت نايم تدري شتريد

تصبح نايم وذاكرتك أجدد(2)

ثق بالناس شوفة روحك وزود

وخليلك صبع للعض مُحَدَّد (٣)

اذا مستقبلك ماتغد وياه

لاتاخذ قرار بيومك ارتد(٤)

ثوب العلم من الباري تفصال

كل واحد بعلمه حسابه عالغد

اترك سبحتك من تصعد تسوق  
ماتدفع فصل تحرك ابو الجد (٥)

مامطلوبه منك مرجع تصير  
مالك شغله باليلهث وره الحد (٦)

فرضك ابده من نافلتك اضعاف  
بهاي الركبه اخذها واسمع الجد

روح الربك وعقلك بلا رتوش  
ولا تحجي ويه الله وعقلك ارمد (٧)

الخميس ٢٩/٦/٢٠٢٣

### الهوامش

- ١- ابعده الافكار السيئة في دماغك واهتم بالافضل والاهم وضعه في بداية تفكيرك كمطلع القصيد
- ٢- دانما كن متيقن وحذر لذلك سوف تحل مشاكلك (وانت مغمض ) مصطلح وارد باللهجة العراقية
- ٣- ثق بالناس في بداية التعامل معهم وكن متوقع سوف تعض اصبع الندم من بعضهم
- ٤- انظر للمستقبل قبل اتخاذ اي قرار وما تبعاته مستقبلا
- ٥- التسبيح وغيره من نوافل لا يكون ابدا اثناء السياقة لان السياقة تريد انتباه بصري وفكري ولا  
سامح الله بحصول الحادث لاتنفك النوافل
- ٦- لاتفرط في اداء العبادات والقراءة وتطبيق كل ماتقرأ دون التحقق من صحته وتفقد الفرض  
والنوافل معا
- ٧- قابل الله بقلب سليم مقر بالفرائض تماما ولا تذهب كمن ضيع ( المشيئين)

الخميس ٢٣ / ٢٠٢٠ / ٢٩ / ٦

## اصل العلم

خلي اهتمامك بالعلم مستمر

ماينتمي المله ولا ينحكر

لا هو من مكه ولا من حجاز

ولا من اشمال وغرب مستقر

مو من عرب اصله ولا تركمان

كلمن وعقله واطلاع الفكر

اضرب مثل للعاقل المهتدي

اسمع كلامي الحكمة مثل الجذر

اتمسك بكل عالم وياه دليل

لو شففته مسلم او زعيم الكفر

الثلاثاء ٢٣/٧/١١

## رَمَعُ الْمَاتِي

على عرش العواطف يسهر الليل  
والشوك بسواجي الهجر غافي

ودموعي اذا تبصرها مصداق  
من نبض الكلب وانت التجافي

اذا يومك تحس ابهرجة الشوك  
باوع للدمع بي تلغه صافي

عطرك وي طعم ريجك دوه الآه  
كف صدك عليك الحمزه كافي

الاحد 9/7/2023

## ونين الكلب

بغليبك فرح من رافغاني النوح

وجماله ردت للتالي اتعذب

وايامي المصن تحسبهن رخيصات

ذني الجنة بيهن للسعد اكسب

وبغليبي ونين الحجر منه يذوب

وتحسبه غنا وتحسبني بي اطرب

وآنه غليبي ينزف والدموع تسيل

وانته الملتهي بنقالك تكأب

وفراگك جمر وي دمي بالشریان

ونار اشواگي بين ضلوعي تتلهب

وانطيتك الماحصلته حتى بطيف

وگلیبی لمحبتك بالحلم یرغب

واكرهتك وحتى اكرهت كل دنياي

حتى گلیبی يتعلم ويتأدب

چنت بعيني اشوفن طبيبتك بحرین

وهسه العقل حایر بیک ومتعجب

ماتستاهل الحب والعواطف هاي

فقره هوای بالحب حبهم ایثوب

السبت/14/3/2020

## اعتراف

إذا لحظة و غفى وشوگك يظل سهران

عقلك رغم كبرك كلشي مايسوه

\*\*\*##

إعترفت صدگ منطقها در منتور

دقایق أرد اسولف واسمع الغنوه

گالت ذکر طیفك دنیا من ضحكات

وگلبی بلا و عی یتبسم بنشوه

وارگص مثل المسودن بلایه احساس

واوتار العشگ من تنعزف سلوی

واتمنى الرگص ماریده بین الناس

ویاک لوحدنه ومحلا هالخلوه

استفرد ببيدتك نشيج ايد بايد

ويبلينه المشابك بالعشك بلوه

وبلحنك ازوب بدنية الآمال

ولفين بتوافق نسرج الشهوه

ومن لب الحشا الآه بغرامي تفوح

ولوعات الكلب من يلتكن نشوه

وعيونك اكتشفت سري والمدفون

وتسمع شعر بي ليل السهر ضوه

ياملهم كياني بلمسة الوجدان

والناس اعلى رد اشواكي ما تكوه

وشكد حاولت بالسكته اضم الاسرار

ويفضحني الدمع خطوه بأثر خطوه

اخذني وياك اريدن خارج الاكوان

رافكني بسواد عيونك الحلوه

من الدنيا ما محتاجة غير رضاك

اترجاك ارافك دنيتك رجوه

بلكت اغفى من ضيم السهر وياك

استرسل بحضنك تنتشي الغفوه

وبعلمك مدارك عقلي مجنونات

ولبوسة خيالك كل جرح فدوه

الاثنين ٢٣/١/٢٠٢٣

## فيض الشجون

ألف غيمة عشق بگلیبی تمطر شوگ

ما مرّه بنظر تج ما طلبت العون

حایر احچي وبعيني غزل مفضوح

ساکت بس احس رد گلبج المفتون

ناغمتج حرف بعیوني بي اسرار

أجمل غزل ذاك التحچي بي العيون

حسّيت النظر ينسمع وسط الروح

بي نعمة وترافة ورقة مدري شلون

چن عشق حفر بگلیبی میة آه

ارد انطق احبج تحتويني ظنون

ما ادري اعجبج مدري اشبع لوم

لو كتلج احبج والغرام فنون

لو يمكن قبول وهذا لترجاه

وبحبج ياحلوه من الجذر مجنون

يالطبعك محب للينخي يترجّاك

وتكتبله الجواب معدّل ومزيون

اريد بقدرتك هالحسن ماينظام

وتطلع حقيها البلّغلب مدفون

مو عجة اذا احجي بغرابة اعليج

بكليبي خضوع البسمتج مكنون

اشوف التعب بعيونج واريدده يدوم

لن هو الهامي ونص جمال الكون

الخميس ٢٣ / ٢ / ٢٠٢٣

## ابصم

بالتسعة ابصم للعرف واحترس  
وخلي الاخير العضته من الندم

والبصلاة ايجاهد و محتفظ  
لو تقي كلش لو عبيد الصنم

تاहत وما كمنه نميز هذاك  
من هذا واختلطت وصارت فلم

وابو الطبع ماله دوه بهالحياة  
وشكد مطر والبحر نفس الطعم

بعض الاوقات الحجى ماينطلب  
والسكته احسن ما يصيبك ندم

كل شخص عاقل يفتخر بالحياة  
حتى بعداوه وياه تشوف السلم

مو بيدك انت تكبر امن العمر  
بس بيدك تكبر دماغك نعم

ياما تشوف از غار بس بالعقل  
اكبر وشوف جبير ما يفهم

تنسه نفسها امك بكل دعاء  
كل يوم.. وتدعيلك ايزول الألم

لا تغفى واتوقع الموت الصبح  
كثر امتاعك كبل لا تصدم

حَقَقَ مِنْ أَمَالِكَ بِنَارِ الْهَمِّ  
مَحَلَاتَهُ كُلَّ مَشْوِي يَطُوكَ بِالْخَشْمِ

الأربعاء ١٥/٧/٢٠٢٠

## اراك ندم الهجر

رافكت الهجر يا مشتهاة الروح  
من يوم العرفتك تكسر وتجبر

وتكلى أريدن حلما المشتاك  
وعذرك حتى كلبك يعطف ويعذر

أعذارك يخايب شينه موزينات  
چنك ناسي من عاهدت ما تغدر

عاهدتك محبة بحركة الاشواك  
وحروف العشك صايغها ماس ودر

أمدح وارجع امدح والغزل مضمار  
بگليبي محبة بوسع كل البر

وتغلي كلامك بعثر الافكار

زادت لوعتي وما اعرف اتفكر

وبعلمك ترى الحب مايجر لوعات

وبكاس العشگ محلاته من نسكر

تذكر وكت حزنك تفرح بطرواي

واجواء السعادة تصير الك معبر

شفتك عاهدتني وطيبت الجروح

وكل ما اذكر اسمك كلبني يتبشر

وتكول اعترف شعرك غزي الانفاس

بس ياريت اصدگ ما ارید انكر

والحيره صفت نار وفكر مشدوه  
مابين الصدگ والجذب اتمرمر

وتقابلني بالشك والگلب مرتاب  
وانه بصدري صدگ نفس متعسر

بس گلي شعاتب والگلب مشطور  
تكسر بالخواطر وابد ما تجبر

جم مرة ادوي العلة من شفاك  
مايبقى مرض وانتعش واتبخر

شلون اثبت بعد ماضل دليل وياك  
كلهن عمل مثبت مو حچي مسطر

خَلَيْتِكَ حِرْزُ تَرْفَعْلِي كُلِّ الضَّيْمِ  
وَعَلَهُ اشْوَاكِي جَمْرَاتُ الْهَجْرِ تَشْمُرُ

مَا اشُوفُنْ ثَوَابَ بَحْرُزِكَ وَلَا خَيْرِ  
وَبِدِينِ الْعَشْغِ تَسْتَهْزِئُ وَتَكْفُرُ

اَكْلُكَ عَجَلُ هَذَا اَتَكَلِّي حَلْبَهُ وَيَاكَ  
غَمُ الْحِظِّ .. الْهِيَ نَحْمَدُكَ وَنَشْكُرُ

تَجْعَلْنِي شَمْسُ بَسْ بِالْشَتَى اِتْدَفِيكَ  
اَوْ وَكْتُ الصَّيْفِ بِيهَا مِنَ الْكَلْبِ تَكْفُرُ

لَوْ بَانِي قَصْرَ اشْوَاكِي فَوْكَ الرِّيحِ  
وَلَا اِدْفَعُ مَشَاكِلَ وَاَنْتَ بِيهَا تَجْرُ

تاخذني البحر كل يوم ارد عطشان  
وانه بروحي حركة وانت متبطر

عاتبني الهوى وما الومه عالعتاب  
هجرك بالغدر بي گمت تتستر

مقياس المثل لتكلي مو مقياس  
باب الريح اسده وانه المقدر

السبت ١/١/٢٠٢٢

## مطلع الاستيوان

مشتاك الج يا كعبه الله وللنبي

ولروضة الجنات فيها أسجد

بين القبر والمنبر وذاك النعيم

يا سيد الثقلين كي استتجد

وبجاهك المحمود وقربا للاله

ولابتغي الغفران أو اتعبد

واترجى منك رحمه ربي واقترب

بشفاعة من خاتم أتهدد

والكعبه يا نور الكلب بيح الامل

لولا وجودك فالأنام تبددوا

يا محلى بيت الله وطواف المسلمين  
يبدون في فرح كما قد أولدوا

چنهم اله الكون رافقهم تمام  
بل كان واحدهم له يسترشد

او چنه شايف ربه عيني بعين اكيد  
ما أجمل الرؤيا وما ستتجدد

الاحد 2020/5/3

## الاعنية

بجيت من الكلب ما ضل دمع بالعين

وحسيت بحزن يعغوب يحويني

ما اشوفن كمت كل الاشوفه دموع

لو تلحگ علي لو جئة تلگيني

ذكرتك و أنته ذكرك يمشي بالشریان

ما لحظة نسيتك يا ضوه سنييني

غنو نظر عيني وحرگوا الدلال

كل كلمة الحچوها تزيد ونيني

چنهم بالکلب واستنطقوا الاحساس

كل هذا الكلام بگلبي يعنيني

يا عمري وفديتك بالنفس والروح  
ريت الله العظيم امرادي ينطيني

والتدبّ بگرب منك يا ماي العين  
وخلافك ابد محدّ يداويني

الثلاثاء 15/12/2020

## الام

يا بسمة الغمره	يا جنّة فوگ الأرض
يا طيبة الثمرة	يا رحمة من السما
لليستضل شجره	عمرچ وطول الدهر
والفرحه بي سفره	بيچ أنه اشوفن وطن
من تخنگ العبره	ياروضه بيها السليم
يتظمن ويبره	من حزنه گلبي الج
ما گلتي باليجره	ياما حملتي حزن
ماننضنك مره	وزرعتي بينه امل
واعلى العدا جمره	وگليبيج انه ترف
عالحلوه والمره	ربيتي طيب الربى
واخلاقج الدرّه	مدرسه بيچ الادب
ونحمده وانشكره	من الله انتي فضل

السبت/21/3/2020

## التقدير

يندار الفكر وكت التصح لحظات

بيها الفهم مايستوعب محير

ويصحك كلب مهموم وينزف ظيم

والطيبة بكلامه من الكلب تنقر

تلغة الخلك ماتفهم شنو المقصود

كل ظنهم يلوم وهو يتعذر

خليك مكانة وصاحب الطيبين

بيهم يعلى شانك وابد ما تخسر

واترك كلمن اتجاهلك واجهل بيه

وابدع بالاعمال وخله يتمرمر

بالك بالعلم تتكبر اعلی الناس

تره اكبر علوم الدنيا كد الذر

ويه الباري ما تتقدر بمقياس

وانشر من علومك بالنفس تفخر

واحذر من سفيه اتقدره بالك يوم

تصبح مثله وبهل ميزه تتمكور

واكو بيهم عديم الذكر للزينات

والزله علج ينشرها يتبختر

بحلوگ الخلگ يفرح وچنه بعيد

احسلك تتركة وعنه تتكثر

واحسن ظنك ويه الباري تلگة الخير

الله يريدك بخيراته تتبشر

لو اكبر ذنب ينمحي باستغفار  
بس الشرك بالك تشرك وتكفر

واصبر وارضى عن كل البلا والظيم  
واتوقع يسر بعد العسر يظهر

ويكول الرسول بوحى رب الكون  
لو رايد رضا المعبود المقدر

تفرح بالبلاوي ولا تضل محزون  
مثل الفرحة بالزينات وتتشكر

والصاحب صدغ اصدغ وياه بخلص  
والجذاب اتركة لو غني واكثر

وبجلمه دعائك وكت يلقى الضيغ  
تره ربك بكلبك دومك اتذكر

وتيقن تره بضيمك وضيم الناس  
يدري الباري بالينكشف والينسر

ياما خلصك من مشكلات وظيم  
وانت بلا وعي شلون الامر يدبر

لكن دعوة المؤمن عبير تروح  
للباري ويريدك بالطلب اكثر

واللوح الموقر كلشي بي مكتوب  
بي مجمل امور الدنيا تتسطر

لكن يمحي ربك من امر مكتوب  
لو ظالم يتوب من الذنب والشر

والمؤمن صدك يمتحنه رب الكون  
لو هو صدك بالبلوه مايضجر

لو من ذنبك البلوى امر محدود  
والبلوه عليك من الذنب اصغر

واخلص بالتوكل باليقين وزود  
تجزي الشدة لو چانت جبل واكبر

ربك رايد المؤمن شجاع ايصير  
يعلى اعلى الضعيف من الله يتقدر

واتحلى بطباع الزرع لو عطشان  
مايشكي ويتاني الدنيا من تمطر

والطير امن يغرد بالكرم موصوف  
ما يطلب مقابل مثله هم تكدر

تحجي بطيبة وتفرح جميع الناس  
والغاية عمل معروف مو منكر

دومك وي الهك خصه بالايمن  
يشرح صدرك وبالطيبة تتعفر

ربك صاحبك لجل الحفظ والخير  
لو ظامت الدنيا انت بسلام اخضر

والصاحب ملك بالدنيا يعتز دوم  
وابشر تره الله بصحبتك اجدر

هاي الصعبة لا تنساها لو لحظات  
وافرح بيها دومك والكلب ينسر

اطلب منه كلشي ولا تفضل محتار  
وتوقع اجابة وربك الاقدر

الخميس 4/6/2020

## الحال

من حُضن المهد وكنيبي خاوه الشيب

وبعيني الخطيه أويه البخت تكبر

ماخاويت حلي أمن الزغر مفطوم.

ماضكت الوسن بيّه السهر غزّر

أكابر وأنه عمري اويه السنين أخلاف

ليليه اويه نجمه للصبح نسهر

بجيت وبيّه دمعه أمولحه أمن العام

خاف أغفل وأنام وناسي تتعير

أماشي أجدام خرسه وبيها حيل أجبال

وكت الموزمات أعلى الصخر تنحر

وأعرف أحسابها ولاظمها لظم الخيط  
والناتج أبعقلي أملوب أمحضر

أمد ذرعان خلغي أمانصف أويه النيب  
بافكار العقل حاسبها ماتخسر

أحل كل النوايب كبل رمش العين  
واسكت لو خذاني العظيم واتصبر

ما يعجبني كل من يستلذ بالعيب  
حتى بعين ربك كل وكت تكبر

ماواحد اليترس عين كل هالناس  
كلنه أعيوب ومحد كامل أمن الذر

المن وافته عوره أمن الجدم للراس  
يكبر خاطرک بالدنيا لا تغتر

تره أعيوبك ترس بحلوگ كل الناس  
میز وین جدمك خاف تتعثر

إصل البشر نطفه وطین مو من ماس  
وماضي كل عماره خارطه بدفتر

وإزرع طینتك واحه وخضار وطیب  
لا تجمع ذهب مردوده للفظر

من تغلط مراجع تنولد بالحال  
كل واحد فتاوي منین ما یفتر

على کیفك یاعمی تهده بالرحمن  
اکبر عالم بهالدنیا یتعثر

تشلع من لحم کلبك وتکرم بیه  
ایکک مصلحه وعالمخفی تنستر

انسى عيوبه كلهن واذكر الزينات  
ويذكر من ظنونه الماعملته بذر

انسانية ماكو ولا صلة ارحام  
شيشلعه الجذر جوه الارض جذر

الغريب بجلمه وحده تملكه ماينساك  
ومن تنخاه ابد مايومه يتكثر

كلبي العم على بالطيبة والاحسان  
وريتك ياكلب تتوذر توذر

كل معنى السعادة بالذهن مرسوخ  
لا مال وملك لا قوّة تُستحضر

سخر كل كيانك لجل فعل الخير  
وتشوف السعد بالكلب يتفجر

ما ترهم سعادة بظلم لا هيئات  
لو تملك ذهب كد الارض واكثر

نظف كلبك وخلي اتصالك دوم  
ويه الخالق واكبر ذنب يغفر

بالدنيا مشاكل تستمر وتدوم  
لا تتقيّد وتنتضر يصفى الشرّ

عالجها طبيعي ولا تضل مجتوف  
بالحل التشوفه بذهنك امقرّر

بس خلي السعادة بخطها تمشي رداً  
واقبل كل امر من ربك امقدّر

الاربعاء ١٦/١٢/٢٠٢٠

قصيدة الحب العظيم مستوحاة من عدة آيات من القرآن الكريم (حبيبتك الهي وانه ما مخلوق \_ نطفه ابصلب ادم حيرت امري) وهي لقوله تعالى (واذ اخذ ربك من بني ادم من ظهورهم ذريتهم واشهدهم على انفسهم الست بربكم قالوا بلا شهدنا ان تقولوا يوم القيامة انا كنا عن هذا غافلين)..

والبيت الثاني (ومن شفقتك ابكلبي من الزغر للدوم\_ افضالك علي وشغلت كل فكري) وهي لقوله تعالى (ولقد خلقنا الانسان ونعلم ما توسوس به نفسه ونحن اقرب اليه من حبل الوريد).

والبيت الاخر (ولا تقنط كنت عبدي ويه كل لذنوب \_ لو انته ابد ما تشرك بأمرى)

وهو لقوله تعالى (قل يا عبادي الذين اسرفوا على انفسهم لا تقنطوا من رحمة الله ان الله يغفر الذنوب جميعا)

وقوله تعالى (ان الله لا يغفر ان يشرك به ويغفر ما دون ذلك لمن يشاء)

## الحب العظيم

يا اعظم محب خلاني اباهي الكون

ابهاي المحبه سنين كل عمري

ويا اعظم ولف يسجدله كل مخلوق

كل الكائنات برحمتك تدري

حبيتك الهي وانه ما مخلوق

نطفه بصلب ادم حيرت امري

من شفقتك ابكلبي من الزغر للدوم

افضالك علي وشغلت كل فكري

ربي ما عفتني وعندي انه ذنوب

ومقصر الهي ابخيري وبشري

واستغفرك دوم وادري ما اوفيك

واسجد واندعيك ابسري وبجھري

بس ادري برحمتك اوسع من الكون

وشنهي ذنوبي عندك ادري ما تسري

لا تقط كلت عبدي ويه كل لذنوب

لو انته ابد ما تشرك بأمرى

وكتبت على نفسك رحمتك للدوم

كبل الغضب مالك للبشر تجرى

و ما اظلم عبادي همه الي يظلمون

انفسهم واسامح واغفر وادري

بما تخفي الصدور وخائنة لعيون

وكل ما غاب عنهم واليجى بأمرى

وحكك يا الهى بالسعد غركان

وغطاني السعد والله كل دهري

واتمنى السعد لهلى العراقيين

ربى استجب هاي الساعه يا عمري

كلتهم شلع واغفر وعافي الناس  
وزيل همومهم والحزن من صدري

ارد افرح بعد من الكه همهم راح  
والبسمه تظل بوجوههم تغري

28,4,2015

## الحسين الشهيد الجزء الأول

شذكر من صفاتك والكرامه البيك

خليت النبي ايقبلك بالمنحر

يعلم بالطوف وشنهى راح ايصير

بيجي بگلب متمرمر ومتفطر

شذكر واصفنت مو ناسي لا والله

من ذكر المصايب لازم اتحدر

واسأل ربي كتلهم تره انشليت

من عقلي الوگف وگليبي لتحير

وارث من رسول الله عظم الاخلاق

من حين الولادة ياشبل حيدر

ترضع من ابهامه المصطفى امخّيك  
حد الاربعين ولحمتك تكبر

لذلك صح كلامك يارسول الله  
من هاي الرضاعه اتأكدت اكثر

حسينّ مني وانه النبي منّ حسين  
صرح بيهه طه وللبشر خبر

شايك كل صفاته بدون استثناء  
لذلك كربلاء من المدن اطهر

يردونك ذليل وحاشا ابو السجاد  
تخضع للظلم لا والله ما تكدر

رايح للمنيه وتدري راح اموت  
خليت الشجاعه بحضرتك تفخر



وانه ابن الاسلام الدنگتله الروس  
من اعظم ملك بالدنيا للازغر

وانه الطاهر ومن منبع الاطهار  
اصحاب الكساء احنه واهل منبر

وان چان الاسلام بدمي راح ايدوم  
اهلا بالسيوف وهاكم المنحر

شمس انت ومشيت اعلى الارض يحسين  
من الكافرين اسلامنه امحرر

راد الله شمس بالارض مو شمسين  
چا حرگت ابليس وابتدى المحشر

الاثنين التاسع من محرم

۱۹/۲۰۱۹



جانوا بالمنية بفخر يتغنون

ما همهم الموت وكثرة المعشر

لن شافوا الجنة مفتحة البيبان

وبهمه وشجاعه اقتحموا العسكر

كل ضربه بقتيل وابد ميثون

وسيوف العدا ويه الروس تتكسر

بس سبعين فارس والعدو بآلاف

تاليهه الدماء بتربه تتعقر

كل هذا الحصل وانت يبو السجاد

شامخ مستعديس كلك مطرر

واكثر شي كسر ظهرك بهذا اليوم

عباس الفدى الجفين للخدر



وانهالت عليك اسهام من كل صوب  
وحجار ورماح وجسمك اتشطرّ

طحت من الفرس وبلا وعي واحساس  
والخيل بحوافر عل صدر الاظهر

رضت والشمر حز النحر بالسيف  
شاله اعلى الرمح ودماك تتكطر

راسك فوگ وانته تردد القرآن  
اكبر حجة عالكفار تبرر

مو شيمة عرب لاشيمة الاسلام  
باعراف العرب هالامر ما ينقر

كل كلوبكم غل وتتبعه احقاد  
وانتضروا الجحيم بيوم تتسعر

هاي الدنيا غيره والفخر للفوز  
باركان الشفاعة وبيهاه يتبشّر

من اللي ذكرهم الله بالقرآن  
كل القربي واهل البيت المنور

عذراً يا حسين ومدحي بي تقصير  
بس رايد دموعي اعليك تتكثّر

الثلاثاء العاشر من محرم

١٠/٩/٢٠١٩

## الرَّحْمَنُ مَقْطَعَاتٌ مِنْ سُورَةِ الرَّحْمَنِ

علمنه عل قرآن  
خالق وحتى الجن  
من واسع التبيان  
في حسيبة الازمان  
اشجاره والاغصان  
ويسبح الحيوان  
تسبيحه بالايمان  
باشكاله والألوان  
منه بلا عمدان  
ومقرر بميزان  
فرض على الانسان  
والبيها من اوطان  
وي عنب ورمان  
والعطر والريحان

سبحانه بالاحسان  
سبحانه للانسان  
علمنه بالايات  
شمس وقمر حسبان  
تسجد وبالأذلال  
وتسبحك لنجوم  
كل ساكن بهالكون  
مانعلم التسبيح  
سمانه مرفوعات  
عدالة بالقانون  
والطاعة للرحمن  
انت خلقت ارضي  
بيها نخل واثمار  
والحببة ام الطيب

الجمعة ١٥/٥/٢٠٢٠



والحب يدري بيه الالهل والجيران

ماتنفضح كلهه تستر اعليهه

للقسمة .. فلا يوم الكلب حيران

والروح بصبرهه تمسكت بيهه

احسن فرشة جانت فرشة الحصران

والغرفة كصب والفرحة تمليهه

ويصير الصدر واسع كبر وديان

والمحبوبة بالناكوط تسكيهه

هيج الحب حالاته يفرح الحزنان

عيشة معدلة وبالغالي تفديهه

الخميس 2019/10/10

## الغيرة

شنو قصتك عراق الغيرة والنخوات

شنو قصتك وطن شنو قصة رجالك

معقوله الفقر ينتشر وسط الخير

محسوبه عليمن كلي شجرالك

ميزانية جانت بثعش مليار

واحسن اقتصاد ومحد اعدالك

من بعد السقوط اتضاعفت الارقام

اضعاف القديم وضعفت احوالك

جانت غيره تهدم كل جبال العوز

بس الغيره هسه انهدمت بجالك

وين اهل الزراعة وثروة الحيوان

وين اهل الصناعة والذهب مالك

وين الغاز وين النفط والتكرير

واموال المنافذ وانت تتهاك

اصحى ياوطن اكعد وشوف الناس

شئو قصتك اسنين النومه تحلاك

اصحى ورجع الماضي ابو الخيرات

يمعود وخلي الغيره تبرالك

رايدلي وطن مهيوب ورفعة راس

ما بي كل جداوه وعزّه تهنالك

رايدلي وطن من احجي احجي بزود

مو من احجي راي اندفن برمالك

رايدلي وطن يحترم كل الاطياف

كل طائفة بالتعقده تنمالك

ما اريدن لي سني ايجارب التشيع

او شيوعي ويجارب سني وكباك

من كل الطوائف رايد انه اخوان

بس اسمه عراقي وفدوه لخيالك

ما ابحت وناقش .. لعنة عالتاريخ

دمرته ويدمر حتى اجيالك

ما اريد المضى وانه ابن هذا اليوم

خلي الماضي لاهله معود شمالك

مو ضحكوا عليه اعدانه والشمات

يا ابو الغيره يمته يبين هلاك

الجمعة ٣١/٧/٢٠٢٠

## القلب المرح

دعوة المظلوم في ساعة غضب

ترتجف دنيانه والنجمة تطيح

الاماني بكلمي صرت اسمعها زين

والافكار انظرها جن واحد صحيح

سدّة لدموعي بنتها المستحاه

رغم حركة شوكي والكلب الجريح

سالت اعلى الموت من عدنا النفوس

شفنه هذا الدرب بالدنيا مريح

لو دعى المظلوم أهلك يستجيب

والظلم من العطف كلبه شحيح

الكلب لوعاته من أهل الظنون  
والظلم شخصك ايبادر يستبيح

يحجي ما يرضي رسول ولا إله  
عنك بأفكاره يرميك بقبيح

يا بة اسمع وافتهم كل الاطراف  
صير كدها بالحجي وكش فصيح

ما تهمني وآنه اثق بشخصي دوم  
واسمع الزينات مني بالصريح

تحجي وي واحد تفهمه اعلى الحياة  
بس ايميل غيرت افكاره ريح

اكو بيهم بالوعد ينطي سماح  
ساعة لو اكثر وما همّه اليطيح

بيهم ايدك الصدر بس بالكلام

وساعة التعتازه يتبخر يسيح

واكو بيهم ينتقد عند الزحاف

وحين تبذع ينخرس عن المديح

يستلذ بالعيب منك جن كنوز

يهجم اعليها ويطشرها فسيح

الله من فوك الستر كال اسعوا بيه

وانه ما افصح بشر عبدي استريح

نسبة طردية المحبة تنخفض

ويه اكثرهم اذا جيبك شحيح

امداها وامداها الدنيا دوم

نادر اتلاكيك الخل المريح

الخميس ٢٣/٧/٢٠٢٠

## الكورونا

رباه انت للفقير صاحب

لست الذي يعبأ بالمناصب

ياخالق الاكوان ورب العرش

ينتعش قلبي بذكرك وينتعش

كل العلم من قدرتك مندهش

كل من نكر فضلك ايضل يرتعش

وابسط بلاء ايمر عليه ينخدش

باللوعه والهم والحزن يبتلش

منك تُريدُ الفضلَ والمكاسب

لا تَنقَطُعُ يامن لها بواهب

انت الاله العالى والمقتدر  
وانت التجيب اليسر بعد العسر

ما تظلم او حاشاك لا ما تضر  
بيدك اتحافظ على كلوب البشر

منك نريد الكلب ما ينكسر  
دوم بمحبتك منسعد ميبشر

**ونبتغِ السَّلم من المصائب**  
**ومن وباءٍ للعبادِ راعب**

منك نريد اثباتك الكل كلب  
عاطاعة والايمان باعلي النسب

هاي الكرونة بقدرتك تنشطب  
عندك اراده وتحكم اعلي الرتب



## المؤمن

مقتطفات من سورة البقرة

بالسبع المثاني يبتدي القرآن

وهي تعادل القرآن مو اكثر

ذاكرها اله الكون بالتاكيد

وانطأها لمحمد كآه واتبشّر

انت وكمك وكل كائن بهالكون

هالانوار من الخالق الأكبر

هنيال البشر جا بعد شيريدون

منحة بلا ثمن وي عقلك اتذكر

ويخاطب المؤمن يذكر التعريف

للايمان بالله وكتبه والمحشر

ويقيم الصلاة وينفق باخلاص  
هذا المهتدي والوجهه متنور

مو مثل الكفر مافاده كل تذكير  
اعمى الكلب واعمى العين وما فكر

جم واحد تشوفه ويظهر الايمان  
بس كلبه حجر وايمانه متكدر

تخدعمن دكلي الناس رب الكون  
لا والله اعلى روحك هالخداع ايمن

مرضى كلوبهم زيدهم الرحمن  
عله اعلى المرض واجهنم التسعر

غَارِكُ بِالْفَسَادِ وَظَلَمِهِ وَالْإِرْهَابِ

وَيَكُولُ أَنَّهُ مُؤْمِنٌ وَهُوَ رَبُّ الشَّرِّ

بَيْنَهُ وَبَيْنَ رُبْعِهِ إِيقَاسُ الْأَدْوَارِ

وَيَكُولُ الْفَقِيرَ يُطْرَهُ مِئَةَ طَرِّ

أَصْبِرْ شَوْفٍ.. تَرَى حَلْمَ الْإِلَهِ سَنِينَ

لَوْ دَامَتْ صَدِّكَ جَا دَامَتْ الْعَنْتَرِ

مَنْكَ نَسْخَرُ وَيَسْخَرُ إِلَهُ الْكُونِ

عَافُكَ تَفْسُدُ وَبَسَ يَوْمُكَ مَقَرَّرِ

هَآئِ الصَّفْقَةُ تَخْسِرُ دَنِيَّتَكَ وَالْدِينِ

وَبِيَوْمِ الْقِيَامَةِ يُبَيِّنُ الْمَعْبِرِ

مِثْلَكَ مِثْلٌ وَاحِدٌ يَسْتَدِلُّ بِالنَّارِ

بَسَ مَنْ تَنْطَفِي أَيْعِشُ بِظِلَامِ أَغْبِرِ

وتظل خائف بطول العمر للدوم

مايتهنى بالك تدري تتعثر

شنعوبالك الله يعيفك وترتاح

لا متوهم بهذا الامر قشمر

ربك خالق بهالوكت كل الناس

والكَبَلِك خلقهم وابدع وقدر

اعبد ربك ابنية صدق واخلاص

مونية فساد وتبقى تتكبر

واحمد ربك بخيراته والطيبات

من كل الصنوف استلذ واتشكر

واحذر من جحيم الحجر بيها يذوب

عالكفار والظلام تتسعر

هاي الدنيا غبرة وتنتهي بلحظات  
باقرب وكت تلكة الموته تتحضر

ما تلحك تتوب وفجأة عزرائيل  
ياخذ روحك وتتلاگه وي منكر

بس هو ونكير ويشغل الحساب  
ما تدري اعلى غفلة منين تتطبر

لو مؤمن صدك تتبشر بجنات  
متروسة نعيم وخير المطشر

وازواج وخدم والماخطر عالبال  
يامحلى الشجر من يزهي بالاخضر

وانهار العسل والخمر والالبان  
وبقارورة فضة اتهنى واتبطر

والحور بجمال الماله كل تشبيهه

وقصور الذهب والمسك والعنبر

مابيهها صلاة ولا عبادة تعيش

وتضل خالد وجار النبي وحيدر

الاثنين 2020/5/4

## الجزء

اسرع من غزال احجاية الشمام  
بعدك ما مشيت بگلبي صابنتي

وبگد حطب نارك شيببي يالنمرود  
خيم عالگلب نيرانه حرگنتي

برداً وسلاماً ما نفع ويبي  
ولا جبريل اجاني بدعوه نفعنتي

چنت بگربك مرافگ سنين صباي  
وسنين المشيب خلافاك تعنتي

سمعتك كلام بئگل حيل جبال  
ولا منك شفت لو همسة طربنتي

جنت أنه اشوفك غيمة وافرح بيك

هسه اتمنى لو بطيوفى غطّني

صارحتك بچلّمة وچانت بعز روح

وبحرگة مشاعر روعي ذبّنتي

وانت الثلج منك يستمد الروح

ماشايف برود الفرگة لوعتني

صايغك محنة جنة الفردوس

وانت الجنة, عجة الجنة عذبتني

واهديتك بحر من طيبة ومراضاه

ولا منك شفت حنية طيبنتي

من سود الليالي وأنه كمره وياك

وبهجرك ظلام وحرگة كتلتني

سوّيت النعيم لعينك حجايات

تاليها بغيابك ينكسر متني

وبعقل المسودن عشغي صار وياك

وجفوفك بطر برخيصة باعتني

الاثنين 14/12/2020

## الوفوة

يادنيا بيچ الغلط  
 من گتله وين الوفا  
 گلبي يود شوفتك  
 هاجرني صارت سنه  
 وين المسامر صفى  
 چنت انه العب لعب  
 وائته ولا تعرض  
 چنت انتة ميت علي  
 هسه انه ميت صرت  
 گلي انتة بعدك انس  
 فجأة مشيت الصبح  
 بيك انه چنت افتخر  
 هسه انتة شلت الخشم  
 مو مشكلة ولا ترد  
 ماخايف من الكمر  
 لو بالليالي المضت  
 من چنه نعطش سوى  
 ما احچي كافي عتب  
 والگبل جابك الي  
 اربعة يشيل الكلب

لو احنه ماتفهم  
 مو گلبي يتالم  
 وعن حالتك يعلم  
 شو انتة مامهتم  
 گمت انه بيه احلم  
 ما اخلي شي يسلم  
 لا والله تتنعم  
 وعن حالك اترحم  
 والگلب بي ماتم  
 لوجن اريد افهم  
 چقك ولا سلم  
 وبحبك اتشيم  
 بگليبي تحکم  
 باچر علي تادم  
 بسوالفك أعلم  
 وبلونه المعتم  
 نروى بعمل مبهم  
 من اللسان اسلم  
 يگدر يزيل الهم  
 من ربك مصمم

الاربعاء ١٩/٩/٢٠١٨

هذه القصيدة مستوحاة من عدة آيات قرآنية وهي :

( ما اصابكم من مصيبة فبما كسبت ايديكم ويعفو عن كثير )

( وما ربك بظلام للعبيد )

( قلت استغفرو ربكم انه كان غفارا يرسل السماء عليكم مدرارا ويمددكم  
باموال وبنين ويجعل لكم جنات ويجعل لكم انهارا )

( ما اصاب من مصيبة في الارض ولا في انفسكم الا في كتاب من قبل ان  
نبرأها ان ذلك على الله يسير لكي لا تأسوا على ما فاتكم ولا

تفرحوا بما آتاكم وان الله لا يحب كل مختال فخور

وسارعوا الى مغفرة من ربكم وجنة عرضها السموات والارض اعدت  
للمتقين

لذين ينفقون في السراء والضراء والكاظمين الغيظ والعافين عن الناس والله  
يحب المحسنين

-----  
نهر- الصبر

البلوه التجي رحمه وغسيل ذنوب

ثلثت ارباع ذنبك الله يعفيها

ويبqالك ربع هو سبب بلواك  
من ايدك ولا تتحسف اعليهه

ما يعرف ظلم ربك ابد للوم  
يغفر للعبد وذنوبه يمحيهه

اطلب مغفرة وكثر الاستغفار  
يكتبك رزق والحاجة يقضيهه

ربك كاتب البلوه كبل لا اتصير  
باللوح الموقر هوه باريهه

مايقبل حزن عل بلوه من اتحل  
ولا تفرح على كل نعمه ينطيهه

ولا تفخر ابروحك بين كل الناس

ولا تحتقر فقرة بعوز كاضيهه

اكظم غيظك وسامح قدر لمكان

تخلص من اذه الدنيا وبلاوييهه

خليك انتة حامد كل وكت كل حال

واصبر دوم و العبره بتوالييهه

شتريد انتة تاخذ للكبر وياك

كلهه تروح عنك بس جفن بييهه

واعمالك الزينه ودعوة الاحباب

ينحسين سند وبروضة تكضييهه

روضه من الجنان الكبر تتلكاه

او من بعد القيامه الجنه تحوييهه

## تَبْجَان

عَادِيَه الْمَلَابِس بِس حَرِيرِ اتصِير

وَلَوْ تَلْبِس سَمَلْ هَمْ يَطْلَعِ اسْتَبْرِقْ

سَاكَتْ نَظْرَ عَيْنِي وَحَنْ حَبْلِ مَمْدُودِ

حَتَّفَ نَظْرَتِي وَجَرَّاهَا حَنْ زَبِيقِ

شَمَلْتِ شَمَلْتِ كَسْرَتِ يَمِينِ أُنْدَارِ

عَمْرِي مَا شَفْتِ بِالدُّنْيَا هَالْمَازِقِ

وَاشْوَاكِي صَفْتِ تَتْسَابِكِ وَيَه الرِّيحِ

بِس رَدْتِ أَنَّهُ اشْبَعِ وَالنَّظْرَ حَدَّقِ

مُؤْمِنِ بِالْجَمَالِ الْيَسْحَرِ الْأَذْهَانَ

بِس وَاللَّهِ بِقِيَاسِ كُلِّ جَمَالِ اخْرَقِ

ياروح الترافة ومستحي حديثات

يارحمة ابوي وجددي والاسبق

عيني اعلى الوجود استغنت من الشوف

صارت بس الح من نظره تسترزق

روحي تعلقت حبت اليحجي وياچ

واتمنيت اشارك واحجي واتمنطق

بس ما حصل فرصة وكنت احجي وياه

من حاجاتي باعجوبة الحجي توثق

بگليبي ودماعي واذني والأكباد

كلها تراكصت والفرح يتدقق

والجلمة الحجاها تحولت ديوان

بافكار العقل تنتشر تتعمق

كل الدنيا بعيوني صفت اوهام

بس بشوفتج أنتعش واتدوق

على خطواتج انثر ورد وي چكليت

ومن ترايج أنه اتمنى استنشق

وانت الخبرتي بداعت المرحوم

وصلها الكلام وگلها متمزق

رايد چلمه وحدة وأبد مو طماع

ومن شوفت عيونج خلي يتالق

ايبهذني العشگ كسرت ظهر وظلوع

بس دوم الكلب بالامي يتصدق

يمعود يگلبي خاطر السواك

كف امن العشگ لا بعد تتعلق

الأثنين ٢٩/١١/٢٠٢١

## علم ارم

مقتطفات من سورة البقرة

ويخالف المعبود	كلمن طغى بدنيته
يغضب اله الجود	واليمشي بالمفسدة
لجهنم المكودود	يخسر وبالأخرة
والله حياك ردود	چنت انتة ميت كبل
حياة وكلها شهود	ولموتك هم بعد
وبيومك الموعود	كل عضو ينطق عدل
والنعمة بيها تسود	الله خلقك ارض
تحميك وبيها جنود	والله خلقك سما
ماعدها كل جحود	تتحرك بأمرته
يعبد ويوفي عهد	راد الله يخلق بشر
تسجدله كلها سجود	أمر جميع الملك
يفسد ابلايه حدود	كأوليه تخلق بشر
نحملها بالمجهود	واحنه نود طاعتك
ماتحتويه قيود	كأل انه عندي علم
آدم وكلها شهود	من هذا ربك خلق
من غايب وموجود	كله بأسامي الخلك
كل الملك لحشود	تالي عرضهم على
كلمن بعلمه وزود	سألهم بقدرته
علمنه ما مسنود	كأوليه حمدا لك
والغاية والمقصود	انت اله العلم
علمهم المريود	تاليها آدم صفه

وَالطَّاعَةَ لِلْمَحْمُودِ	كَأَنَّ اللَّهَ سَجَدُوا إِلَيْهِ
ضَلَّ كَافِرًا وَمَطْرُودِ	وَأَبْلَيْسَ أَبَدًا مَسْجِدِ
بِالغَنَةِ ظَلَّ مَخْلُودِ	مِنْ رَحْمَةِ الْمُقْتَدِرِ
وَاتَّعَدَ النَّاسُ كَعُودِ	مِنْ عَدَا صَارَ الْعُدُو
وَالكُلَّ ثَمَرًا حَاصُودِ	وَالجَنَّةِ لِأَدَمَ صَفْتِ
مَا يَقْرَبُ إِلَيْهَا يَنْزُودِ	مَا عَدَا شَجَرَهُ أَبَدِ
أَفْعَالُهُ كُلُّهُنَّ سَوْدِ	وَأَبْلَيْسَ أَبَدًا مَا سَكَتِ
بِالشَّجَرَةِ هِيَ خَلُودِ	أَقْسَمَ لِأَدَمَ قَسَمِ
بِالْمَرْتَدِيِّ حَاسُودِ	وَأَدَمَ أَبَدًا مَا دَرَى
يَتِمَثَّلُ وَبِبُرُودِ	لَنَّهُ وَبِصُورَةِ بَشَرِ
وَالرَّبِّهِ كَأَمَّ أَيْعُودِ	تَالِيهَا أَدَمَ غَوَى
وَيَّهِ النَّدَمُ مَشْدُودِ	يَتَقَدَّمُ بِتَوْبَتِهِ
بَابَةُ فَلَا مَسْدُودِ	وَالْبَارِي بِالْمَغْفَرَةِ
لِلْأَرْضِ رَدُّ رَدُودِ	بِسِ مَا بَقِيَ بِجَنَّتِهِ

الأربعاء ١٣/٥/٢٠٢٠

## هواطر

امشي حتى تفوز بهدائي وصبر

كلمن استعجل بدنياته عثر

واقنتع من ترجع البيتك سليم

من يشح رزقك او لله الشكر

شمعه صير لكل وفي وللخيرين

يحترك كل يابس وكلبك خضر

الكحل بالعين ما ينطي جمال

واللي جفنه مكحل امن الله كمر

من تريد العسل مو هينه عليك

لازم امن النحلة تتلكه ضرر



## ديوان المحبة

ديوان المحبة اعلى النسيم ثياب

من دم الكلب سطرته ألف كتاب

وبروح العشك تسبيحة المزنوك

متوثق فرض مو شغلة استحباب

فرحان الدهر يبني العشك تملك

ويصدر وثائق ملك للاحباب

شتسوي بعدها وتنفع الحيران

يتأمل وصل والعبرة كلها ذياب

مثل اليانصيب يخمر الآمال

يسعد واحد ويخذل بلاية حساب

دورنه بمتاهات الليالي اسنين  
نتأمل حلم بيه للوصول أسباب

يتحقق مرادك : إبرة تعرف ماي  
وتراوح مكاتك حسبة الدولاب

لو تحظى ببحر لا شجرة لا اعشاب  
وبنص البحر شيحطّب الحطّاب

ذبينه الشبج نترجه بيه محصول  
ما يفلح بختنه سيوف بيد أعضاب

لا تاخذ وعد هذا الزمان يخون  
توصل للحلگ ويسد عليك الباب

الاثنين ١٠/١/٢٠٢٢

## زهرة الرمان

ينعش قلبي شوف عيونج الشّهلات

واسكر بيهن ومن نظرتج اسعد

يسحرنى جمالج جوهر البنيان

فرحان وبديّه الردته والازود

باجواء الخدود ايدوين البوسات

وشفافج عليها شفاقي تتصيد

ماهمنى العقل يرفضها بالطكاك

خلي كليلي بسوادينه يتعربد

مو عيشه اذا مايبها حب هيهات

وكلوب الي مايبها عشگ ترمد



وبشوغي نقش كل الجمال البيج

وعيونى بشعاع الشمس تتمدد

يفتها حسن وجناتج الشكرات

وبليل الشعر تنتعش تتوسد

نغمته نهاوند وصبا وبيات

على عود ووتر من نوع المبرمد

وبألواح سيسم من صنع منصور

وبريشة المبدع سامي تتردد

تتمايل غنج شو چنها غصن البان

وكليبي يتراكص ينزل ويصعد

رگصتها سحر ذبت عمل وفنون

تتراجف لحم حرگتلي سابع جد

وبرقة زلال يشيب منها الغيث

هذا ينزل من الغيم الملبّد

عمري ماشفت عجبه وعجب وعجاب

بأذهاني خيال الحسن يتمجّد

چن الباري خالق كل عسل بالكون

من حلگ الحبيبه العلي ما ينسد

من خدها سگت كل وردة بالجئنات

وتسعد كل حزين من القهر مجهد

بالمنطق خبيرة عشگ كلها احساس

وطب لكل جرح بالدنيا متسرمد

كل واحد يحب يتعب ويلگه الضيم

بس وياها ينذل ضيمي يتبربد

اشوفن روي طير ومثلي ماموجود

بس المثلي عاشگ نفس هالمشهد

والعاشگ مثلها زهرة الرمان

خل يبشر سعادة كلبه تتخذ

چن فاگدها لکمه بولگ المجانين

والرافگها يغنم عايش بسوؤد

الاثنين ١/٣/٢٠٢١





## عشك العقل

كل حب يبتدي مو بالعقل مرات

اول مره تلكاه بالكلب بادي

بس انه عشكتج بالعقل والروح

والرية شلع وياهم أقادي

من اول ملاكّه واول النضرات

دمرتي كياني واهلي واجدادي

تعاي الحضني خل احرك ابليس الضيم

واشتم عطرج الما عل خلك سادي

واشبع عطش كلبني من الشفايف هاي

ورياك الخمر ما منها ببلادي



واعزف لاج اغاني والوتر شريان

من صدري نغم بيات مو عادي

وانعش كلبج وانه انتعش وياج

ونهب الجتاف بطرب بغدادي

هاي المملكة الما منها بالبلدان

احميها بحياتي وطبعي وعنادي

الجمعة ١٠/٧/٢٠٢٠

## عطر الانفاس

خَلَّيْنِي بِعَطْرِ انْفَاسِكَ اشْتَمِ شَوْكٌ

وَيَسِرِي الشَّوْكَ يَا غَالِي بِشِرَائِيْنِي

وَخَلَّ عَيْنِي بِنَظْرَتِكَ تَسْجُدُ بِلَا خَوْفٍ

وَتَشُوفُ اللَّهُ بِبَيْكَ شَلُونَ بِالْيَنِي

شَوْصَفَ مِنْ جَمَالِكَ حَيَّرَ الْأَفْكَارَ

أَرْخَصْتَكَ فَدَى بِخَالِصِ مَوَازِينِي

مَالِكٌ وَالْمَلَائِكَةُ اسْمُكَ فِدَاهُ دُنْيَايَ

شَلِّي بَدْنِيَا لَوْ مَا كَحَلَّتْ عَيْنِي

كُلَّ يَوْمٍ بِنَظْرَتِكَ يَا شَرِيحَ الرُّوحِ

مَاكُو خِلَافَكَ بِهَا الدُّنْيَا يَغْرِينِي

الخميس ٢٠/١/٢٠٢٢

## ماريدن عنبكم

ماريدن عنبكم كسرت لسلال  
وبالنار احركتهن والرماد أزيال

كل عمري كضيته الكطهن أنه لكاط  
اصرخ بالدغل يكلب ثمر اشكال

غير البي نفع يتوسل تواسيل  
واتخير بكيفي وأنه ابو الأفضال

ياهو العاش دنيا وصفت رفجة وياه  
حمل الدنيا بس عالفاهي بي اثقال

والكلفه وعلى احرك اهلها بنار  
واكطع نسل من دنياك وانسال

السبت ١٩/٢/٢٠٢٢

## رد القبائحي ؟

هنيالك يا احمد عالذكاء البيك

واسمحي اكلك احمد وعبر

عندك الله لعبة وحاشى رب الكون

حاسب روحك العالم وتتفكر

هنيال الشهادة المدري ها ارجوك

من ياجامعة ويا حوزة يا اسمر

هنيال العمامة ولبس ثوب الدين

يا دين انت بيهم تطعن وتسخر

انزعها تره عمامة رسول الله

وروح اعترف اول تالي نتبصر

واتعب كلف رويحتك بالابحاث

قانون وبلاغة ونحو وتدبر

وادرس كل قواعد امّة الاعراب

وادرس منطق الفلسفة وتفكر

تسأل باللي ما يتعقله المجنون

حتى الجاهل اليسمعها يتنفر

وتكول الله اقرب من حبل لوريد

ليش الوحي كلسع ينزل ايخبر

جا رايد الهك يجي ويّه الناس

ويسولف ويمشي اعلى الارض واكثر

كل هذا العلم في معرفة معبود

خالق كائنات الدنيا والاقدر

كل هذا العقل وسفه والـف ياـحيف

هيج اتقدر الباري الهي استر

وبكل البرود اتكله اريد اثبات

اثبتلي وجودك اول واظهر

وتكول الوجودك ماكو اي مدلول

جا ادري حضرتك طالع امن الطر

مو بس انت شوف الكائنات وياك

لو تستنطق الحيوان جا هم قر

برهان الوجوب الانت تسخر بيه

اعظم نظرية العلم بيهـا انسر

اثبتك الواجب من وجوده وشوف

والممكن وجوده وبالله يتأثر

كل الكائنات امعرضة التغيير

يمكن تتوجد او هيه تتدهور

وانطيني مثل لو تجتمع تحديد

حبة امن القمح تخلقها ماتكدر

خل اثبتك شلون الاله بهاي

خالق كائنات الدنيا بس اصبر

شوف اهل العلم وشكشفو امن اسرار

تركيبة نظام بدقة ومدبر

بحثوا بالاعماق وصلوا الذرات

واطباع وصفات الخلك تتفسر

وعلوم السما السابح ارض تحديد

وي كل الادلة العلم ماقصر

تدري شلون تعرف ربك المعبود

الله العظيم الخالق الاكبر

طابق من علوم الدنيا بالقرآن

ولا عاقل شفت عالعلم يتبختر

كل العلماء اتقر هذن لعلوم

بس البي مرض عالعلم يتعنتر

والعنده نقص بالعقل والادراك

ما ممكن تقنعه وتركه يتعثر

واحنه انعرف ربك انزل القران

ونشوف العلم طبقا لما يُذكر

بالقران يتطابق وكله اثبات

ما يخرج علمهم على هالمحور

من هذا اذن نعترف بالقران  
ما بي كل خطأ من العلم ينقر

لازم تعترف بالله يبعد الروح  
وتطيعه بكلامه الطاهر الاظهر

ولا تسأل بعد طعنا وبالقران  
حتى الباري تطعن بيه وتستهتر

استغفر وتوب ولا تعم عالناس  
واتذكر جحيم الباري واتحذر

السبت ٢٣/٥/٢٠٢٠

## وانت قلبي

گالت انت گلبي وما وسعني الكون

شفت الدنيا گُضَّتْها علي تهليل

گنتلها صدگ گالت تعال وشوف

ماتلگه گلب بس نقشة إسماعيل

گوليها بعد يا عطر كل دنياي

لا تسأل بداعت محكم التنزيل

كل عقلي اشترك گلت بعجب الله

شلون اگدر اترجم عشگي بالتفصيل

انتي إعجاز منحة خالق الاكوان

وعيونني الح والبيها من تأويل

بالدنيا جمال مصوّر ابداع  
وانتي بعرش كل الحسن والتجميل

بيج الطهر كله ورقة الغزلان  
بيج البسمة تظفر كل حجر سجيل

قري ونامي ياعيني ولا تحزنين  
خليني بنعيمك ربي أنه دخيل

يا سمراء ذاب الكلب بالأحشاء  
من نظرة عيونج والغرام ثغيل

باجواء المحبة متيم او ولهان  
شایل كل مجرات العشك تحميل

ونجوم المحبة تعاین المكفای  
اسبغها بغرامي ودمع منها يسيل

سبعة من السماوات اهتدت لسماي

تاخذ مني غيث من الغرام تشيل

منو كال الكمر من الشمس بالنور

لا من ولفي.. خلك من القال وقيل

ومنو كال الحسن بالشكل والالوان

لا منطق عظيم بسكته يحرگ جيل

تحجي عيون كل عاشگ غزل ديوان

وارتال الجمال من العيون تميل

تتمايل احلامي بسكر بس نشوان

وغرگت ابحر اشواگي بالتقبيل

كلتها بعد روعي شنو تحبين

ابنيلج عرش واصبلج أنه ذليل

گالت عقد حبنا امنيتي يفضّل دوم

لأجال المنية العقد خله يطيل

بعيونك اهيمن عشگ صبغ وشيب

وعيونني اكلها عشگ تحيل

وبكعبة طيوفك كلبني خله يطوف

رديت الطفولة بأجمل التمثيل

أكلب بالسنين الكبلك وما اشوف

آهات وقهر ما بيها كل تبديل

من شفت الغرام بگلبني منك زاد

بدل حزني بورود العشگ تبديل

حسدني البنات بحبك الماصار

چن السّما نزلتك عليّ تنزيل

كَلَّتْهَا إِلَهِهَ امْقَسَمَ الْارْزَاقُ  
كُلَّ وَاحِدٍ قَسْمَتَهُ وَرَاضِيَ بِالتَّحْصِيلِ

بِسَ أَنَّهُ قَسَمْتِي تَفُوقَتْ عَالِنَاسِ  
بِيحِ الطَّعْمِ أَجْمَلُ مِنْ لَبِنِ أَرْبِيلِ

يَاوْرِدَةُ حَسَنُ مَزْرُوعِهِ وَسَطُ الرُّوحِ  
وَبِدْمَجِ لَكُو بِسَ اسْمِي بِالتَّحْلِيلِ

أَرْدَ اشْكُرُ إِلَهَ الْعَرْشِ بِالتَّحْمِيدِ  
لِلْمَوْتِ أَبْقَى حَامِدٍ وَبِوَضْعِ تَسْبِيلِ

وَإِتْفَاخِ بِحَبِيحٍ وَاصْنَعِ الْإِمْجَادِ  
بِالذَّبِّيِّ اسْتَرْ كَثْرَ بِالتَّجْمِيلِ

الأربعاء ٢٠٢١/٦/٢

## قصيدة وهم

فرحان بعشگها بملگة الانسام  
طويت الماضي ذاك البالأمل معدم

طالت والگلب بي سرها مامفضوح  
واشواگي خفاها ويدري يتندم

ثلج غطي المشاعر بعد حركة شوگ  
وانتعشت احشاي بنشوة المعرم

بسمتها عجب تستعلي بيها الناس  
وصرت اكتب شعر يستنطق الابکم

حسيت المشاعر تدفه ویه الشوگ  
والهمسة لحن بجروحي يتنعم

سحر وجاذبية ورقة واستلطاف

ماممكن اشواكي وياها تتكتم

آمالي انبنت معلم يداوي جروح

ماعاد بهذاك الأمل أتألم

اجمل فرحه صرتي لوحدج بدنياي

على بسمة عيونج صرت أتأقلم

لبست ثياب مجنون بطبع ولهان

ما أگدر گمت بگليبي اتحكم

غرامي ويه الرياح وصعبة اتلاشاه

آنه وياها چنه ندور المعنم

فترة من العشگ تعدل عمر دنياي

عايشها بسعد مو حلم واتحلم

اتمنى الشفايف تحجي ويه شفاچ

وبريج العسل كل واحد يسلم

حورية وردت اطيافي ماتنساچ

مو اسهر بعد وي ليلى انتجم

نطم كصته الجمال بشوفتچ محتار

رايح راجع وبالحسرة يتندم

حورية شحلاتچ شطبة الريحان

سبحان الاله بخلقچ توسم

شفت لذاتي غرگن بالخيال بعيد

والآه اصبحت تمشي ويه مجرى الدم

لاكيت الوهم بافكاري مدري شلون

وكبالي صفه واممكن اتوهم

وتهدم المعلم والامل جذاب  
بعد الي عرفته وكله تتهدم

الأربعاء 6/12/2023

## فِيَّةُ الظَّنِّ

كل ذرة بخلية بجسمي عشر كُلوب

كلهن طبع رقة وشوك وحنية

بجفوف التفاهة انباعن وياحيف

والله وخيبت كل ظن سدى اعلية

مو كافي احترمتك مو ضعف بالحال

وجهين بوجه لو اكثر شوية

كلهن كلبتهن وفهمت معنك

بس ما اريد اردن تعجز ايديه

هاذ انه طبع خير او وفه واحسان

كلهن بالقياس آلاف بالميه

2022/6/24

## الصراحة

كل حچبي بصراحة وهذا واقع حال  
مشدود اللسان ویه الغلب بالحگ

لو اغلط اكول اغلظت وبكل زود  
ولا بالشينة عالصاحب اظل ارشگ

لش ارضي النفس والباري ما ارضيه  
عجبة اعلى الزلم للمنكر تصفگ

لا تنتقد عالظاهر بدون اثبات  
اسأل صاحبك .. سوء الفهم يحرك

بس أولها كونك دارس وفهمان  
واذا مو گدها لا تتفلسف وأطبگ

رايد تنتقد مية هلا وعالراس

شوف اولها نقدك يخطي لو يصدگ

وبرايك اذا ينفع تعال هنا

فهمني وافهمك مو حجي تغلگ

يمي وبيني بينك وافهم المقصود

استفسر قبل لا تظلم وتحرك

انه ادري النقد يتقصده بخير

بناء وفلا يهدم ولا يمزگ

بس بهالوكت سترك إله الكون

صاير لعبه كلها تغرب وتشرگ

أعمى يگود المفتح صدگ أفلام

يمعود شعيط بكنيتك صدگ

## النقد

لاغيهن سمير وحقه ما ينلام  
وسفه الطيبه بيها الصاحب يفتگ

گدام الخلگ سچينه احس بچلاي  
تتجاوز علي وبسمعتي تمزگ

لوزت الحچي وچن تطلب اهلي بشار  
بيدك صار الاخضر يابس ويحرگ

بس شوف أنه مؤمن والخبير وياي  
وصدگ ربك ويه الملتزم يرفگ

ماتنفع الطيبة ولا نفع الاحسان  
وذاكرها المثل احسانك ايغرگ

الجمعة ٢٢/١١/١٨

## المعروف

بارد طبعك وتحرك بروحي سنين  
وحسرات الكلب والوثة تسمعها  
تنسى الموالك والالك ماتنساه  
عثراتك علي غم كلبني يدفعها  
يالغاطع سبيل العشرة والمعروف  
حتى الرحمة اريد وياهن اقطعها

الاحد ٢٣ / ٥ / ٧

## وصفة

عجب عجب الموالم تستدير العين  
ولا لحظة وصل لو جلمة التنگال

وطالت سكتتك وقلقت كلبى اعليك  
ماريد الوصل بس اعرف الاحوال

اتمنى كون بموس اكطع لساني  
زعلت أعلى الناس وسفه ونساني

2022/6/22

## كتابة الشعر

من اكتب شعر من فكري وبكل زود

مو قصدي اريدن مدح واعجابات

اعتبره رساله توصل المقصود

بيها ارضي الضمير وما ازل هيهات

الشاعر صدك من وحدة الموضوع

يتنم كلامه ويستقر بالذات

الشاعر رسول بوحيه ينثر طيب

طير بلا ثمن يهدينه تغريدات

يعجبني الشعر حكمة وعلم واخلاق

واوصاف وغزل من نذكر الحلوات

الشاعر ثقافة ومرجلة واصلاح

يبحر بالخيال أجنّة الأبيات

الشاعر مدح للمستحق معروف

تاريخك لِعِلْمِكَ فارش المدّات

لا تحجي بفكر يم فاكد الأفكار

واعرف ناسك التسحك على الزلات

اصناف البشر على حكمة الكرار

عالم يدري بعلمه بثقة واثبات ١

ينصحنه نسأله ومنه ناخذ شور

والغايه علم ينفعنه بالويلات

وعالم ناسي بس يحتاج الى تذكير ٢

وجاهل يعترف يترجه تعليمات ٣

والرابع مصيبة الاحمق اتحاشاه ٤

عد روحه فهيمه وهو عقله افلات

من تنطيه دليل اتفهمة وابطلاص

ايكلك أنه ادري وهذا مو اثبات

منها واعتبر واكطع حديث وياه

لن تدخل متاهة ضايح بغابات

الهوامش

-----

من حكمة الامام علي عليه السلام حيث قال الرجال اربع

١- رجل يدري ويدري بأنه يدري ذلك العالم فاسألوه

٢- ورجل يدري ولا يدري بأنه يدري وذلك الناسي فذكروه

٣- ورجل لا يدري ويدري بأنه لا يدري وذلك الجاهل فعلموه

٤- ورجل لا يدري ولا يدري بأنه لا يدري وذلك الاحمق فارفضوه

الاحد ٢٣ / ٢٠ / ١١

## اصلاة على محمد وآل محمد

وحگ طه وكهف والواقعة ويس  
وحگ عمّ وتبارك وي طهر هالدين

وحگ النازعات وعيس والأنفال  
وحگ مريم وآياتك ابهالكونين

اريدن طلبه وانت الخالق المنان  
صلّ اعلى النبي وآل النبي الطيبين

بگد رمل البحار وكل ورگ الاشجار  
وگد ثگل العرش يا ملجأ المسكين

وانفاس العباد ونفس كل مخلوگ  
وبجوذك إلهي واحنه المقصرين

الاثنين ۳۰/۱۰/۲۰۲۳



## افلا يتفكرون

لا تسمح لعقلك يحرف التفكير  
ولا تسمح لقلبك يغفل اعلى الحگ

خلي الحكمة بيهن مصدر الافكار  
واطلب منفعة وبالجهل لاتغرگ

ولا يعلى اهتمامك بالگشر مرات  
وتعيف الجواهر بالگشر تلزگ

بالگال وگلت هالمجتمع مرهون  
وبالتاريخ الاغبر صرنه نترزگ

وماندرې الصدگ وين بمحل اثبات  
وبكل ماكتب تاريخك نصدگ

هذا اليلعن وذاك بغضب اعصاب

وهذا ايخيط وذاك بفخر يفتگ

يا عمي عليمن مو فرض مكتوب

تتعب حالك وبرويحتك تحرگ

لا ربك اليقبل لا امر معصوم

وباركان البخت لتغرب وتشرگ

يامرنه الخبير نفكر بمعناه

وبكل ماخلق ابداعه ضل يبرگ

لو تعرف اسرار الدنيا والمخلوگ

تعرف ربك ومنزلتك تعلق

و صدگني العلم قبل الفرض مطلوب

وهذا يريدہ ربك لازم تصدک

شنونفع العبادة وتجهل المعبود

معزال بحرب شنو رايح اتصفگ؟

اكسب علمك من العترة والقرآن

وشوف السما شببيها وربك شيخلگ

ودقق بالارض والبيها من مخلوگ

كل لحظة بعظائم تحبل وتطلگ

ونجوم السما التنحسب مليارات

متعلگة بمواقع مبهمه تعلگ

وازرهن شمسنه الاكبر من الغاع

مليون وثلت مرة الكبر صدگ

اوزان النجوم اتحير الافكار  
لو تدري عبرتك والحسن تخنگ

يقسم بالموافع ربك بقرآن  
والقرآن يتجدد ولا يعتگ

نور هالعقل ياخالق الاكوان  
وخليئه بمسيرة هالعلم نطبگ

الهي الحكم يمك على هالتاريخ  
فازوا ولا خسروا عننده مايفرگ

ماشوفن ثواب واجر بالمجهول  
بس للفرگة تاليها البعض يرفگ

الهي ومن عظمتك نطلب الارشاد  
وما نغفل ابد والوحدة تتمزگ

او وگف هالجدال الشنتت الاسلام  
وصرنه بحكم غابة وعالشرع نسحگ

فرجها علينه بحكم رفعة راس  
ماریدن حرب بالابريا تطرگ

الجمعة ٢٢/١٠/٢٠٢٢

## التقاع

مابيه اوداع هلي ولا بيه حيل افراگ  
أبقه على حبكم جرح من ينلجم يشتاگ

شسع لترا بكم كل القوافي تروح  
يا محضر صفنتي ومنبع انواري

فدوه الكم ارواح بكل حرف مكتوب  
يا أجمل قصيدة بثورة أشعاري

عشت اجمل ليالي وأروع الأيام  
يا اول نهر بالطيبة ظل جاري

عشگت أعيونكم مثل الطفل وأشتاگ  
طيبتكم عطوري وجنة ازهاري

وما يحتاج أسولف شاعرو مفضوح

ودموعي القصيدة بعالم افكاري

شعدد ما اوفي افراگكم من نار

والعباس احسكم بالدمع ناري

نون كلي أنكلب ناي وقصيدة نار

ما يطفه الجمر بيقه النبض ساري

احس البارحة الدنيه بسماي أتدور

من حسيت أودع بيكم أنظاري

شريد اكتب شو صف كلشي مني انباگ

حتى الملهمات بشعري وأعداري

ممنون أنه إلكم لو اظل للموت

ما أقدر اوفي أسنيني واخباري

احبكم عشق بدوي شما عتگ يزداد

يا ناگوط گلبي وسنتر آتاري

أحس إبدخلي عيون الغلب تنهار

ما أقدر أقاوم روجة انهاري

أصدگ لو أجدب روعي عالتوديع

الموادع كلف ياربعي وانصاري

وفراگ التحبهم مثل طاري الموت

يزداد النبض من تعزف اوتاري

أحس گلبي إنشلع والقلم يمطر نار

لا تنسون أخوكم رحمة للباري

ريت أمي شعر سمتني حتى ارتاح  
من اكتب أسامي أصحابي وأسراي

إذكروني إذا عالجوة مر تذكار  
تلگوني.. أعلى باب اعيونكم جاري

الاحد 24/7/2022

## الرصد

من عرفتج قلبي من كيفه استعد

بالاحداثيات راداره كصد

كنته اصبر خل اشوفن بالعيون

واسمع الصوت وفلا سامع ابد

كلي شغلاتك بعيده وهسه شوف

مستحيل بيوم خيبت الرصد

2019/10/2

## المارد

شيطان الشعر يل جوّه جدمي تبات

يل تكتب شعر نبضاته من تاجي

اكتب من نبض يسوه العشيره وياك

ولقن كل شخص يتوهم احراجي

من عشر الشعر لفهمته من معناي

لتكثر حرف وتحاول ازعاجي

تره والله بجحيم احركّ ابو السواك

اتحذر مثل ماطاعت افواجي

رادو ارتجل ياالله ارتجل بالحال

من اكبر بحر يتوسّل وراجي

جيبلم شمس من وجنة المحبوب

وخلّي الليل من شعر الولف داجي

وبلغ كل جميلة بسجدة الاعجاب

وجدان أنه بحري وكلهن أمواجي

واصرخ بالخلگ هم بيهم الولهان

حب امن المهد وبولفه ضل شاجي

منو بيهم يصوغ العشگ حصن تاج

و ما يجرء بشر بالدنيا إخراجي

وبلهفة عشگ متولّه ومجنون

افدي تراب هالمزيونه باوداجي

وكلهم اي حسن يتصدّر بهاكون

كلهن ثق سواد وهيّه مسراجي

لو مرَّه وتصد خلف الله عالتمثال  
لو چتی بسجن بس منها افراجي

واشرع بالحمد للخالق المعبود  
ناسجها نسيج ومنها ترياجي

ياالله امشي بعجل يكفي الوقت محسوب  
واتحذر وصير من الغضب ناجي

وعن ذكر الحبيبة التمشي بالشريان  
ما اضيع وكت محبوبي منهاجتي

٢٤/١/٢٠٢٢

## كرب الحسين

مكروب الحسين ومايرد مكروب

ميزه من الله عند الله شكبر قدره

دمعك لو نزل والعبرة للمظلوم

يمحي ذنوبك الكطره بالف كطره

وترايك ابو اليمه دوى المعلول

يالبيك المرض روح اكصد الحضرة

اصحاب الحسين استشهدو وياه

ما الهم مثيل ودنيتك غيره

مسنود الحسين براية العباس

والعباس لايمنه ولايسره

محسود الحسين بخوة العباس  
من طاحن جفوفه اتحير ابامره

ينذب يا حسين وهو فوگ الغاع  
يسبح بالدماء وبیه ألف طبره

ياخويه العذر.. هذا القدر مكتوب  
گبک ادخل الجنة العمر مره

عوضني الخبير اچفوفي بجناحين  
بس گلبي بونينه وخنگته العبره

ماتبجي السما وروح اسأل التاريخ  
بس بموتتک دم تبجي بالمره

رسول الله نزل للطف هذآك اليوم  
يبجي اعلى الحسين ويحفر بگبره

ناصربك عزاء استقبل البيجون

من كل الخلق ويرتل ويقره

تبقى انت الشموخ وعزة الاسلام

والظالم تلغفه جهنم الحمرة

السبت العاشر من محرم الحرام ١٤٤٥

الموافق ٢٩/٧/٢٠٢٣



## افكر بيك

گاعد ویه روحي وجاي افكر بيك

وارد اكتب غزل مايحويه كراس

ما اذكر صفاتك والجمال البيك

مو حلوه وقديمه وفاگذه الاحساس

اذكر گلبي من يوم الاخذته وياك

كل البشر تدري وهذا مو مقياس

اذكر همسك اليطربني مثل الناي

وانه الاحچي بيه بالحزن والاعراس

مليون اعلا ميه وصاعد التقدير

ماواحد مثل همسك من الاجناس

روحي غلادة عندك والخلگ يدرون  
وبگلبی صبح ذکرك مثل وسواس

وبلحظات افکر اذن الآذان  
گلت احسن اصلي وادعي مثل الناس

صليت وگلت ربي السلام اعليك  
يا اعظم اله او قادر وحساس

ربي شگد نخيتك تطوي بيدي دروب  
واحچي وياها حتا ايزيد الاستناس

ماریدن اطول واجمع الغلبين  
اخلصك من دعائي الصار ايدوخ الراس

السبت ۸/۲/۲۰۲۰

## عيون الغزال

غزال وفدوه لعيونه

بيهن تنشرح لگلوب

اعوف الدنيا من دونه

هو القدر والمكتوب

صوب كلبى بجفونه

صار مأسر ومسلوب

ماريدن يرجعونه

خليه بالأسر مهيوب

كتلهم يدفنونه

من يرجع من المحبوب

كل هل حب تشوفونه

نظره الحجر بيهه يذوب

لو موعد يخلفونه

تربي عيوني عالدروب

هل عطشان تسگونه؟

والعمره وصل لغروب؟

كلبي وياك خيعونه

وجسمي من العطش متعوب

مشلول وتعرفونه

وايديكم تشافي عيوب

ياهلبيت تنقدونه

بلكي من العذاب يتوب

تزهى الدنيا بعيونه  
من يحضى بوصل محبوب

2017/5/14

## كن عبقرية

مخلص للدروس البهه محضر خير

رايد يبني تفهمه وتوسع البال

رايدك تصير بأحسن التقدير

اخلاق وفهم والطيبة عال العال

لا تستهزئ بهذا الحجي وعيناك

كله مجرب وطبقته بالاجمال

اول شي تطيع الباري رب الكون

صدگ تره وياه الحمل ينشال

حتي بدنيتك من يلقي كل الضيم

لو طايح صدگ تلگه الحلول اشكال

واصبر عالمصايب تره كلهن خير  
تمحي ذنوبك ان چانت كبر لجبال

أو بيهه امتحان القوة الايمان  
والمؤمن صدگ ينعرف بالافعال

وخلي الكلب يتظمن وبالتأكيد  
للباري وصحبته تحسن الاعمال

وان چان اهوہ راضي تهون المعسرات  
وشما يحكم اتمسك او بالاذلال

ما عنده ظلم ربك الف هيهات  
عالدنيا رحمته بكل وكت تنهال

وانطيك النتيجة بهل كلام الزين  
لو انت صدگ ما رافض الاقبال

يجلي همومك وصدرك وسيع ايصير  
وامراض النفس صدغني هم تنشال

ويصفي الدماغ وينعش التفكير  
وتشوف السعادة تفرح الدال

وارد احجي بعد بس ما اريد تزوج  
واريد تركز بكل الحجي الينغال

مخ البشر يوسع يبني كبر الغاع  
بس الذكي يگدر يحسن الاكمال

لن هذا الكبر بي مدخل زغرون  
لازم تحذر وما تخطي الاستعمال

واعلومك فرد ادرسهه بالترتيب  
واحد واحد ومهما الزمن لو طال

او حاول ويه نفسك ردد المفهوم

يثبت بالدماغ او يصبح استدلال

واحمد ربك بحال العسر والخير

دومك ابقى حامد مختلف الأحوال

واشرح ما حفظته من العلم تكريم

لن هذا كرم بس احذر المحتال

ذاك البلجدال ايشط عن الموضوع

ما عنده علم ويخربط او قوال

وآخر شي اريد تصفي بالك دوم

واتعلم علم بيه مختلف الافضال

فكرك نظمه بدفتر وبالترتيب

واكتب مشكلاتك واذكر الآمال

من اكبر امر خلي الحلول وياه

وخليلك وكت يتعالج ا بادلال

واحذر تره ذنوبك تهدم البنيان

واحذر تره بيد الله حكم الاجال

واحذر يقسي كلبك ويه كل الناس

والنيه سليمه والدمع سيال

خشيه لربك وللنبي وأهل البيت

واصدق للبشر والينذكر باجلال

الاربعاء ٢٦/٢/٢٠٢٠

## غسيل الاعزان

طرواچ احسن بيها ريحة قميص

ردت اليعكوب البصر والنظر

مثل الفجر يغسل وجوه الظلام

اسمچ غسيل احزاني من يندكر

الثلاثاء 11/7/2023

## الاعجاب

نقدك لو على الزله عمل مشكور

ليش الزينه بيها المدح يتستر

كل مره اريدن لو ربع تعليق

شمالك تنسطر ريتك ابمية طر

## الحزن

خل يلفي الحزن بس حاله حال الضيف

٣ ايام اكبر حسبة بالزايذ

بس تدري بقرارك هذا لي بجيك

طول العمر تفرح والسعد سايد

خذلان العواطف ينتهي بنسيان

بس تكتسب حكمة تصير الك رافذ

الاحد ٣٠/٧/٢٠٢٣

فَيْضُ الْجَوَادِ سَعْرًا سَعِيًّا إِلَيْنَا جَلِيلًا الْقُرْآنُ ذَمِيًّا  
لَنَا مَصْرُوعًا عَرَبِيًّا نَسْرًا نَسْرًا نَسْرًا نَسْرًا



فَيْضُ الْجَوَادِ سَعْرُ سَعِيٍّ أَيْمَنُ حَيْلِ الْقُرْبَانِي



رسالة توصلت والمعنى يتجمّع  
يتناغاة المحب وي ولفه بالنظرات  
هم بيها العيون لسان هم تسمع؟  
الاربعاء ١٠/٥/٢٠٢٣

## الطّية

تَرَبَّتْ يَدَايَ إِذَا شَرَعْتُ بِطِيبَةٍ  
زَمَنٌ لَطِيبٌ يَجِدُّ التَّقْدِيرَا

ارد اكسر المؤلف طيب فلا اصير  
كل ما اكول تهون ما الگه تقدير

2023/6/6

## الفشل

لا تَجْزَعَنَّ عَلَى مَا فَاتَ مِنْ فِشَلٍ  
حِينَ التَّنَكَّرِ لَا لَوْمٌ وَلَا ضَجْرٌ  
وَأَبْدَأْ بِإِصْلَاحِ مَا قَدْ خَابَ مِنْ عَمَلٍ  
وَأَسْرِعْ بِتَنْفِيزِ مَا تَصْبُو لَهُ الْفِكْرُ

من تذكر خطأ أو فشل مر فد يوم  
لا تتكدر وتنزعج او تُحْبِطُ  
صلح كل خطأ مر بالدماغ بزود  
ونفذ كل صحيح بعقلك مخطط

١٦/٤/٢٠٢٢

## الامر

صَوْتُ الزُّجَاجِ بَكْسِرِهِ لَا يُطْرِبُ  
تَدْمِي شَطَايَاهُ وَصَوْتُهُ يَذْهَبُ  
وَالْقَوْلُ فِي سُوءٍ يَدُومُ وَإِنْ مَضَى  
يُدْمِي الْقُلُوبَ وَكَسْرُهَا لَا يُشْعَبُ

الغزاز الينكسر تسمعه صوت  
يبقى يجرح رغم ما صوته اندثر  
وتلغه حلمه الكلب ينزف منها دوم  
تنحجي بلحظه وعمر يبقى الاثر

الاربعاء ٢٣ / ٦ / ٢٠٢٣

## السهولة

تَمِيلُ كَوَجْدِ الْقَلْبِ لَوْ هِيَ أَقْبَلَتْ  
كَأَنَّ الدُّنْيَا فِي حُضْنٍ مَنْ هُوَ مُتَرَفٌّ

تتمايل مثل لهفاتي بالدلال)  
(مثل الدنيا من تغفى بحضن مبخوت

يَكَادُ الَّذِي مَرَّاهُ شَدَّ رِحَالَهُ  
إِلَى أَسْرِ حَدِّ لَا يُعِينُهُ مُسْعِفٌ

والينوي بسفر نظراته من بعيد)  
(يتأسر بخذه ومايهاب الموت

وَإِنِّي كَمَنْ بِاللُّوحِ سَمَّرَ سَاقَهُ  
كَعَبْدٍ بِمِحْرَابِ الْعِبَادَةِ يَعْكَفُ

وَأَنه تَسَمَّرت سِيْكَانِي فَوْكِ الْكَعَا  
(مِثْلُ الْمُعْتَكِفِ خَائِفِ صَلَاتِهِ تَفَوَّتْ)

فَلَا صَحَّ لِي أَدْنُو بِلَهْفَةٍ ظَامِي  
لَأَسْقِي فُؤَادِي عِطْرَهَا وَأُكْفِفُ

مَا أَكْدَرُ بِلَهْفَةٍ حَسْرَتِي وَظْمَايِ  
(أَسْكَي كَلْبِي عِطْرَچِ وَأَنْتَعِشْ بِسُكُوتِ)

وَأُتْرِعُ ظَمَانًا مَرَّاشِفَ ثَغْرَهَا  
أَمِيلُ حِيَالَ اللَّثْمِ إِبَانَ تَرْجِفُ

وَأَشْبَعُ رُوحِي مِنْ رِيحِ الْعَسَلِ بِشَفَاچِ  
(وَأَرْجِفُ مِثْلَ رَجْفَاتِكَ يَا لِحْمِ الْحَوْتِ)

وَقَفْتُ أَنْاجِي مُسَدَلًا عَائَهُ الْهُوَى  
أَلَا هَلْ لِكَفِّي تَبْتَغِيهِ يُصَفِّفُ

(ناغيت الشَّعر المبعثر بنص ريح  
كُتله جفوفي ختصفتك يطعم التوت)

أَجَابَ بِكَأَلَا لَا ظَنَنْتُ يَضُرُّنِي  
وَمَالِي سِوَاهَا بِالْجَمِيلِ يُلَطِّفُ

(كَلَالِي عَلِيمَن مَا تَضُرُّنِي الرِّيحُ  
اتبعثر على خدوده وأظل مبهوت)

فَقُلْتُ أَشَعْرًا يَسْتَهِيمُ صَبَابَةٌ  
إِلَى حُمْرَةِ الْخَدَّيْنِ حَالًا يُرْفِرُفُ

(كَلت الروحي حتى الشَّعر عاشگ صار  
على حمرة خدوده ومايفوته الفوت)

وَمَا يَمْنَعُ الْجَانِي عَلِيَّ بِأَسْهُمٍ  
لِمَا تَمَّ مِنْهُ وَالْقُلُوبُ تُصَدِّفُ

(والجاني عَلِيّ بسهامه ميخليه  
يبعد عنه وأنه كليلي هالمفتوت)

عَجِيبٌ فَبِالْحَرْفَيْنِ قَدْ بَرَأَ الدُّنَا  
وَعَادَ إِلَى يُمْنَاهُ فَيْكَ يُكَلِّفُ

(بحرفين الله خالق دنيا والأكوان  
وانتي ابنيده رد صاغج من الياقوت)

وَقَدْ كَانَ حَظِّي بِالْمَسَاوِي نَاشِئاً  
قَرِيناً إِلَى مَنْشَاكِ بِالْعَمِّ يَزْحَفُ

(بس سوالي حظي بلا مرام وياچ  
يزحف بالهموم بعمره حد الموت)

أُنَاشِدُ دَهْرِي هَلْ حَوَيْتَ مَرَا حِمّاً  
لِكَهْلِ بِشَيْبٍ يَبْتَغِيكَ تَلَطَّفُ

(أسأل دهرى ذره من العطف مايبك؟)

ترحم شايب وگلبه بعشگ مسحوت)

أُمُ الْأَمْرِ مَحْسُومٌ لِنَازِلَةِ الصَّبَا

وَمَا كَانَ شَيْبًا عِنْدَ ذَلِكَ يُصْرَفُ

(لو بس للشباب الخدمة بالتفعيل)

والشايب يظل امكتر ومكبوت)

أَعُودُ رِفَاقَ الْعِشْقِ أَقْرَانَ شَيْبَتِي

إِلَى وَحْدَتِي أَحْلَامُ ذَلِكَ تُنْصَفُ

(خل ارجع يصحبة شيبى للحيطان)

لو اصرخ عليهن هم يردن صوت)

الاربعاء ٢٣ / ٧ / ٢٠٢٦

## شذرات مترادفة فصحي وسعبي

أَلْنَصْرُ فِي كُلِّ الْمَوَاقِفِ مُبَعَّدٌ

مِنْ حَيْثُ كَسَبَ لِلْقُلُوبِ حَمِيدٌ

بِالْهَدَّةِ إِذَا تَجَبَّلَ وَشَفَّتْ اعْزَازُ

كَسَرَ سِلَاحَكَ وَلَا تَكْسِرِ الْخَاطِرُ

وَإِذَا عَبَّرْتَ الْجِسْرَ بَعْدَ بِنَائِهِ

لَا تَنْوِي هَدْمَهُ رُبَّمَا سَتَعُودُ

إِذَا رَبَكَ بِنَاكَ جَسْرًا وَاتَّعَدَيْتَ

لِتَقْلُشَهُ أَخَافُ يَرُدُّكَ الْقَادِرُ

لَا تُرِدِ قِصْرًا قَدْ بَنَيْتَهُ بِالْهَوَى

وَاجْمَعِ كَسُورَ الطُّوبَى كَيْفَ تُرِيدُ

قصرک لو کمل بنیانه فوگ الريح

لا تغلط تفلشه ولم کسر باچر

واغفر لعاصٍ إن رأيتَ فریبًا

بالله یوماً نادماً سیدوُدُ

لا تفضح بشر عاصي وتبيع اسرار

باچر یهتدي وما غیرک الخاسر

إن تَنقَدَ الأقوالَ لَسْتَ مُعَادِيًا

مَنْ قالها .. والإحترامُ یَسوُدُ

لورايد انقدك مو عداء ویاك

لكن احترام من الكلب صادر

النَّقْدُ فِي فِعْلِ المَقَابِلِ بَاطِلٌ

حَتَّى يَجولُ بِفَهْمِكَ المَقْصودُ

نقدك للشعر باطل سراب يصير  
لو مات فهم المقصد من الشاعر

وَاسْتَنْبِطِ الْمَقْصُودَ مِنْهُ فَرَبَّمَا  
أَبْدَيْتَ ظُلْمًا وَالْإِلَهَ شَهِيدُ

إذا مات فهم المقصد عlish تجور  
ماتري ب إهك يبصر وحاضر

الاثنين ٧/٢٠٢٣

## رعاء العفو

يا مُبْدِعَ الْأَكْوَانِ عَفْوِكَ قَائِمٌ  
وَالْقَلْبُ عَفْوًا لِلذَّنُوبِ يَرُومُ  
ما مِنْ غَفُورٍ أَرْتَجِيهِ سِوَى الَّذِي  
أَلْطَافُهُ تَغْشِي الْوُجُودَ تَدُومُ

يارب العرش عفوك بلاية حدود  
مغفرتك اريدن من عظم قدرك  
ماغيرك اگصده وبالعطف موصوف  
كل الخلك تشهد والأمر أمرك

\*\*\*##\*\*\*##\*\*\*#

قد لا تُقَدَّرُ لِلْكَثِيرِ بِعَالَمٍ  
إِذْ أَنْتَ مِنْ بَعْضِ قِيَاسِكَ عَالَمٌ

لو من طبع بذات ماتلگة تقدير  
صدگني من آلاف تقديرك چبير

\*\*\*##\*\*\*##\*\*\*#

أميرٌ على الأسرار فيما كتمته  
فلا تكُ مأسوراً إذا أنت بُحْتَهُ

عالمسّر اريدك دوم تصبله سجان  
بالك اسير تصوير من تحچي يافلان

\*\*\*##\*\*\*##\*\*\*#

مَا قَالَ رَبُّكَ لِلرَّاعِي بِسُلْطَتِهِ

املاً رِكَابَكَ مِنْ دُونِ الْمَسَاكِينِ

هُمُ الرَّعِيَّةُ لَا جَدْوَى بِعُزْلَتِهِمْ

وَأَنْتَ بِالْمَالِ مَأْمُورٌ بِتَعْيِينِ

الراعي كدها يصير غيره وحميه

مو حصته حمل جمال ينسى الرعيه

الجمعة ١٥/١٠/٢٠٢١

\*\*\*##\*\*##\*\*##\*\*##

إِذَا شَاءَ دَهْرٌ أَنْ يُدِيمَ فِرَاقَنَا

فَلَا لِحُدُودِ الدَّهْرِ مَحْوٌ وَدَادِي

وَإِنْ شَاءَ لَمْ يَقْسِمِ إِلَهُكَ جَمْعَنَا

رَجَوْتُ لِحَمْعِ بِالْجِنَانِ مُرَادِي

لو دهري بيه الزود ويديم الفراغ

جد الدهر لو راد مايمحي الاشواك

والباري لو مراد يجمع شملنه  
بالجنة نترجاه يحقق حلمه

الاحد ١٧/١٠/٢٠٢١

\*\*\*##\*\*#\*\*\*##\*\*#

خَفَ الْفَوَادِ لِسَانٍ مَنْ هُوَ عَاقِلٌ  
وَ عَقُولٌ حَمَقَى مِنْ وَرَاءِ الْأَلْسُنِ

الاحمق حشاكم كلبه بلسانه  
والعاقل السانه بكلبة ماينضام

\*\*\*##\*\*#\*\*\*##\*\*#

أخو كَرَمٍ لَوْ رُمْتَ تَكْرِمٌ مُعْسِرًا  
فَلَا تَأْنَسِ التَّصْوِيرَ وَالنَّشْرَ لِلوَرَى

إكرم في سبيل الباري وافعل خير  
بس لا تنشر وتعلن أمام الناس

٢٧/١٠/٢٠٢٢

\*\*\*##\*\*#\*\*\*##\*\*#

أَلشَّيْبُ بِالرَّأْسِ مِنْ نُصْحٍ وَمَوْعِظَةٍ  
مِقْدَارُ مَا أَسَدَتِ الْوَيْلَاتُ وَالخُطْبُ  
مَا كَانَ عِدْلٌ مِنَ الدُّنْيَا بِوَاحِدَةٍ  
دُنْيَاكَ مُتْرَعَةٌ مِنْ نَعْلِ مَنْ كَذَّبُوا

شيباتي شكرت كلهن عبر ودروس  
شاريهن بحرقة قلبي والاعصاب  
ما وحده ابدلها بكبر دنياي  
دنيانا مثل طرقة نعل جذاب

٢٢/١٠/٢٠٢٢

\*\*\*##\*\*##\*\*##\*\*#

لَا يُقَاسُ الْمَرْءُ فِي أَصْلِ اللَّقَبِ  
لَا مَقَادِيرٌ لِمَنْ هَبَّ وَدَبَّ  
رُبَّمَا مَنْ خَابَ فِي أَخْلَاقِهِ  
أَوْ تَرَى مَنْ هُوَ تَاجٌ لِلنَّسَبِ



وَمَا يُنْبِيكَ عَمَّا سَوْفَ تَعْدُو

سِوَى يَمْنَاكَ وَالْمَوْلَى حَسِيبُ

ماتعلم عگب باچر شراح اتصير

بس من يمنتك تستلهم التقرير

٢٦/٦/٢٠٢٣

خَلْفَ الْمَخَاوِفِ قُوَّةٌ جَبَّارَةٌ

فِي كَسْرِ خَوْفٍ كَسْرُ كُلِّ مُحَالٍ

إذا تكدر تحطم كل جدار الخوف

يصبح مستحيلك محبس ابنيديك

\*\*\*##\*\*##\*\*##\*\*##

إن كنت في صدقٍ ونيةٍ مُخلصٍ

لا تُبدِ تبريراً.. مثيلك يعرفُ

إذا صادق ونيتك كله بالمعروف

لا تحجي وتبرر ربعك تعرفك

إِنْ كَانَ عَقْلُكَ بِاسْتِقَامَةِ أَمْرِهِ

لَا تَكَتْرَثُ مَنْ بِالتَّعَقُّلِ أُخْرَقُ

وَاعْلَمْ ذُكَاءَ الْمَرءِ لَيْسَ بِدَرْسِهِ

وَيَصِحُّ عَالٍ بِالشَّهَادَةِ أَحْمَقُ

فكرك لو صفى وعقلك صبح موزون

لا تحسب احساب البلعقل اخرق

تره مو بالدرس تلكه الذكاء يصير

أكو صاحب شهادة وبالعقل أحمق

٣٠/٧/٢٠٢٣

\*\*\*##\*\*#\*\*\*##\*\*#

قَالَتْ فَمَا سِرُّ ابْتِسَامَةِ صُبْحِكُمْ

قُلْتُ اسْأَلِي الْأَصْحَابَ وَالْأَحْبَابَا

كألت مبتسم صبحك شنو الأخبار

كألتها الخبر يم ربعي واحبابي

٢١/٢٠٢٣٨

## دمع الأسي

بِالْقَلْبِ دَمَعُ الْأَسَى لَا طُقْتُ أذْرَفُهُ  
حَتَّى أَجَازَ لِي الْهَجْرَانُ أَبْكِيهِ  
مَا عَادَ بِالْقَلْبِ مَا يُحْيِي لِنَبْضَتِهِ  
إِلَّا مِنَ الْوَصْلِ سَاعَاتُ تُوَاسِيهِ  
مَا أَفْسَدَ الْوَدَّ إِلَّا ظَنَّ جَانِرَةَ  
لَهَا مِنَ الْوَدِّ إِسْمٌ لَيْسَ يُغْنِيهِ  
سَادَت لَظَى الْعِشْقِ فِي الْخَفَاقِ مَجْهَلَةٌ  
مِنْهَا. كَأَنَّ سَرَابًا مَا أُقَاسِيهِ  
يَاوِيحَ حَظِّي بِلَا جَدْوَى مُكَابِدَتِي  
أَضْحَى لِي الْبُؤْسُ يَسْمُو فِي مَعَانِيهِ

دمع الاسى شعبي

دمعات الحزن بالكلب محبوسات

لمن رخصاني الهجر ابجيها

ماظل بالكلب شي يسند النبضات  
جم ساعة وصل هيه التواسيها  
ما خرب محبتنا الا ظن السوء  
تعرفها باسم ما لحظة يغنيها  
حركة كلبى تجهلها ولهيب الشوك  
تعتبره سراب وأنه اداريها  
حظ ما عندي كل ذاك التعب وياج  
جايبلي التعاسة بكل معانيها

٢٢/٨/٢٠٢٣

سَحَابٌ وَجَدِ فِي سَمَاءِ مُوَلَّعٍ  
أَلَا تُمَطِّرِي قَلْبًا جَفَاهُ حَبِيبٌ ؟  
يَرُومُ غَيَاثًا بَعْدَ جَدْبِ رِيَاضِهِ  
يُنَادِي لِشَرَعِ الْعِشْقِ لَيْتَ يُجِيبُ

مِنَ الْأَعْدَاءِ صِدْقٌ لَيْسَ حَقُّ  
وَمَكْذُوبٌ مِنَ الْأَحْبَابِ صِدْقٌ  
فَتِلْكَ عَوَاطِفٌ لِلْبَعْضِ تَسْمُو  
وَلَا فِيهِمْ إِلَى الْأَخْلَاقِ سَبْقُ

إذا يصدگ عدوه ايجذبّه وبالحال  
وجذبات الحبايب صدگ من تنگال  
تأثير العواطف عالبعض دستور  
والأخلاق عدهم سهله من تنشال

١١ / ١١ / ٢٠٢٣

وَنُقْطَةُ (.) رَبِّي لَوْ غَدَتَ بَعْدَ جُمْلَةٍ

فَلَيْسَ لِي اسْتِفْهَامٌ (?) عَنْهَا يُبَادِلُ

إذا بالنقطة (.) يختم جملة المعبود

لا تختمها باستفهام (?) وتتكرر

\*\*\*#\*\*\*#\*\*\*#\*\*\*

وَكَأَنَّنا شَمَعٌ نُطَاوِلُ بَعْضَنَا

بالريح لكن بالنهاية نَحْمَدُ

واحدنه مثل الشمع نتناحر بنص ربح

تالي العمر ننطفي شنهو الربح يفلان

فَيْضُ الْجَوَاهِرِ سَعْرُ سَعْيِ الْبَيْتِ حَيْلُ الْقُرْآنِ

## الابونيات

فَيْضُ الْجَوَادِ سَعْرًا سَعْبِيًّا أَيْمَانًا حَمِيدًا الْقُرْبَانِيَّ

بغياك كتلني الصبر والهام  
اجرع بالمروره صرت والهام  
من طيفك حظيت بشعر والهام  
چا من شبگتک شتسوي بيّه

مابيهه كفر بوستك وشراك  
وش دمرّ جمالك بيّه وشراك  
گلبي بظيمه ما بدلك وشراك  
وانت بطيشتك تلعب عليه

شمالك على فراگ المحب بعداك  
وانه الي زرعت الرعب بعداك  
تدري شسوه بيّه الوكت بعداك  
احفر بالگبر بتنين اديه

وجهك جنة وخدودك وردته

بالروح اشتري محبتك واردهه

ربك طيب انفاسي وردته

من يوم لزممت ايدك بديته

ياهو الفرحك يرعين واسلاك

وياهو الدرب حبك نشد واسلاك

انشدك عل محبه ردت واسلاك

هم بيهه اكسباير عليه

عاجن وخبزت لوعات بيداي

تمرمر ضيم گلبي وصاربي داي

تهت وخلاف طولك وسط بيداي

چن تيهت ربع موسى سويته

كَلْبِي خَلَا فِ شَفْتَيْنِكَ دَوَامَاتِ

زَغِيرِ وَنَبْتِنِ بَصْدْرِكَ دَوَامَاتِ

لَوْ نَكَ دَائِمِ بَكَلْبِي دَوَامَاتِ

كَلْبَيْنِ بِمَحَبَّتِكَ تَغْدِي لِيَّهْ

كَاتَلْنِي بِكَثْرِ لَوْمِكَ وَمَنَّاكَ

كَلْبِي نَمْرَدٍ مِّنْ ضَيْمِهِ وَمَنَّاكَ

نَطِيئَتِكَ كَلْشِي لَتَرِيدِهِ وَمَنَّاكَ

عَلَى غَلَطِهِ تَغْظُ طَرْفَكَ عَلَيْهِ

يَطْرِبُ كَلْبِي لِانْغَامِكَ وَلِحْنَاكَ

عَلَى دَرْبِ الْوَفَى مَشِينِهِ وَلِحْنَاكَ

وَإِذَا بَوَسَهُ مِّنْ خُدُودِكَ وَالْإِحْنَاكَ

يَرْجِعُ عَمْرِي لِلْعَشْرِينَ إِلَيْهِ

كَلِّي شَبْعَدَكَ عَنِي وَلَا هَاكَ  
وَأَنْتَ الْجَانُ الْيَ وَحْدَهُ وَلَا هَاكَ  
عَلَيْكَ بَدَاعَتْ عَيْونَكَ وَلَا هَاكَ  
دِزْ مَدْلُولٌ بِمَحَبَّتِكَ إِلَيْهِ

سَأَلْتُ الْخَلْقَ عَن دِيرَتِكَ وَأَهْلَاكَ  
وَأَجَازِفَ حَتَّى لَوْ أَنْعَدَمَ وَأَهْلَاكَ  
حَظِّي الطَّلْعُ كَدَامِي وَأَهْلَاكَ  
لَوْ يَسْعَدُنِي لَوْ أَشُوفَ الْمَنِيَّهَ

طَبْعِي بِالْكَرَمِ زَاهِي وَعَالِي  
وَدُومَ أَمْدَحَ بِصَحْبَانِي وَعَالِي  
أَدْعِي بِخَيْرِ اللُّوَادِمِ وَعَالِي  
أَكْسَبُ مِنَ رِضَا الْمَعْبُودِ إِلَيْهِ

حسنك يالحلو سرنى وشجاني

خذك دمر افكاري وشجاني

شورطني وعشگته انه وشجاني

من يبعد يراويني المنيه

ليش انكرت كل سعدي ودلالي

وانه عليك ضل ينبض دلالي

كتر بالحزن دهري ودلالي

ودله الشامت خلافك عليه

صفگت اعليك بيمينى وشمالى

ودوم الريح چانت لى شمالى

شجاني بگلبى حظيته وشمالى

غراني بكلامه ونكت بيه

حَبَّكَ طَيِّبَ جُرُوحِي عَدْلُهَا

نَفْسِي بِشَوْفَتِكَ مَامَشَ عَدْلُهَا

وَالدُّنْيَا بِوَصَالِكَ صَحَّ عَدْلُهَا

رَبِّتَ اللَّهُ يَدُومَ الْعَشْغِ لِيَّه

اِحْمَدُكَ رَبِّي كَدَ الْاَرْضِ وَسَمَاكَ

وَارِيدِنِ اِنْدَعِي بِالْقَدْرِهِ وَسَمَاكَ

وَبِرَحْمَتِكَ وَبِعِزَّتِكَ وَاسَمَاكَ

تَرْضَى اَعْلِيْنَهُ يَا رَبَّ الْبَرِيَّه

يَا هُوَ الْبَلْفَرِحُ يَغْلِيْبِي اَمْلَاكَ

اَشْكُرُ رَبِّي مِنْ اِنطَاكَ اَمْلَاكَ

يَسُوهُ الدُّنْيَا وَالْبِيْهَهُ مِنْ اَمْلَاكَ

حَصَلْتُ الَّذِي يَصْعَبُ عَلَيَّه

يسجد لله كل الذي شافاك  
خدك يسحر وتكتلني شافاك  
من كل شي الهى برحمه شافاك  
يلّي انت دوه وبيك الرجيه

يعلى اعلى النجم كلمن صحبكم  
كلبي من الجرح والله صحبكم  
لو مدري شكتر ودكم صح بكم  
اشريه بالنفس هاي الابيه

وحگ الله ونبيّه وحگ قرانه  
كلمن جانه مگلوبى قرانه  
كوّش عل ذهب هوه وقرانه  
وسفه الغيره شحّت والحميه

على فرغاك غلبي بدمه ماطر

كل عمري اعلى روعي العظيم ماطر

تهده والتريدة بأيدي ماطر

ما اخلف چلمتي للمنيه

اشطب اسمي بيدك وانت سمه

لعداي انت موته وانت سمه

انه وياك خوة ونتسمه

اخوان الوفه عدهم سجية

اخو خيته بزمانك هذا ينذر

واكو يحمه وتفخ بلسانه ينذار

مسنود بكلامه تحسبه ينذر

يطك صواب ويشرد بالبرية

ما اطخ للمذلة ودهري يدري  
چريم ومافرغ فد يوم يدري  
عسى كلمن يخون بمرض يدري  
صديجه الما تدناله ابأذية

كل عمرک يخايب هم على هم  
أسيادك حلم توصل غلامهم  
مريض ومو عجب تنبح عليهم  
مزمّن بالفشل حدّ المنية

ياهو ال بالعلم متمسك اوهام  
وياهو الجان عقله مشبّع أوهام  
مذمة ولوم اشوفن منك اوهم  
منّي شريتهن وترد عليه

ما صاحب شفت وگلیبی صح به  
غير الله وصحبته شلون صحبه  
لو ينسى الغب يارب صح به  
وصيح اعلى النفس بيهم سوية

## المحتويات

7	المقدمة
11	قصيدة الدهر مهداة الى الشاعر الكبير المرحوم عبد الحسين الحلفي.....
11	(اول قصيدة من كتاباتي الشعرية)
13	الوصال
15	الوالد
16	الحياة الزوجية
19	الفراگ
21	امي
22	الدخيل
23	الطائفية
24	الى من يهمله الامر
25	بر الوالدين
27	عاجل
30	قصيدة حب الحسين
32	قصيدة دروس
34	قصيدة رد الملحدین
39	قصيدة صراحة

- 41 ..... قصيدة نصيحة
- 44 ..... قصيدة الفرغة
- 46 ..... الدّين
- 47 ..... قصيدة النصر
- 48 ..... ما اطخ راس
- 49 ..... قصيدة دلانل عقلية
- 58 ..... العراقي
- 61 ..... لا تهدم
- 64 ..... الطبيب
- 67 ..... الخائن
- 68 ..... العباس
- 71 ..... اول حلم
- 72 ..... خواطر
- 74 ..... النقد
- 77 ..... نصيحة لولدي وللجميع
- 82 ..... اصل العلم
- 83 ..... دمع المآقي
- 84 ..... ونين الغلب
- 86 ..... اعتراف
- 89 ..... فيض الشجون

- 91 ..... ابصم
- 94 ..... اراك نديم الهجر
- 99 ..... ملمع الاشتياق
- 101 ..... الاغنية
- 103 ..... الام
- 104 ..... التقدير
- 110 ..... الحال
- 115 ..... الحب العظيم
- 119 ..... الحسين الشهيد الجزء الأول
- 123 ..... الحسين الشهيد الجزء الثاني
- 128 ..... الرحمن مقتطفات من سورة الرحمن
- 129 ..... العشك
- 131 ..... الغيرة
- 134 ..... القلب الجريح
- 137 ..... الكورونا
- 140 ..... المؤمن
- 146 ..... الهجر
- 149 ..... الوفة
- 150 ..... نهر الصبر
- 153 ..... تيجان
- 156 ..... خلق دم

158	خواطر
160	ديوان المحبة
163	زهرة الرمان
168	سلات الامل
170	عشك العقل
173	عطر الانفاس
174	ماريدن عنبكم
175	رد القبانجي ٢
181	وانت قلبي
186	قصيدة وهم
190	خيبة الظن
191	الصراحة
193	النقد
194	المعروف
195	وسفة
196	كتابة الشعر
199	الصلاة على محمد وآل محمد
200	العلم
201	افلا يتفكرون
206	التقاعد
210	الرصد

- 211 ..... المارد
- 214 ..... كرب الحسين
- 217 ..... ناكر الجميل
- 218 ..... افكر بيك
- 220 ..... عيون الغزال
- 223 ..... كن عبقريا
- 228 ..... غسيل الاحزان
- 228 ..... الاعجاب
- 229 ..... الحزن
- 231 ..... ابيات مترادفة
- 233 ..... عبير الرسم
- 234 ..... الطيبة
- 235 ..... الفشل
- 236 ..... الاثر
- 237 ..... الكهولة
- 242 ..... شذرات ٢ مترادفة فصحي وشعبي
- 244 ..... دعاء العفو
- 252 ..... دمع الأسى
- 257 ..... الابوذيات

فَيْضُ الْجَوَادِ سَعْرًا سَعِيًّا إِلَيْنَا جَلِيلًا الْقُرْآنُ ذَمِيًّا  
لَنَا مَآءُ عَيْنٍ دَائِمٌ مَرْدَانِيًّا نَسِيًّا نَسِيًّا نَسِيًّا نَسِيًّا نَسِيًّا